

## SAMUELI TAKADA PLAADDEE

Dauda kiblana Yudanɔne 1:1-4:12

Dauda kiblana Isaraili bori pinginɔne 5:1-12:31

Abusalomu bɔna Dauda kpεε 13:1-20:26

Dauda kiblana zāa 21:1-24:25

### *Dauda Solu ga baaru mana*

<sup>1</sup> Solu gana gbera Dauda sù kɔn zìblena Amalekinɔao, ben à gò Zikilaga gurɔ plaa. <sup>2</sup> À gurɔ aagɔdee zĩ gɔgbē ke bò Solu bùran à mò. À pókāsāanɔ kēkēna, bùsu ká à mìn. Kè à kà Dauda kiia, à kùene à dàe a puua. <sup>3</sup> Dauda à là à bè: N bɔ mámε? À wèàla à bè: Ma bɔ Isarailinɔ bùramme. <sup>4</sup> Ben Dauda à là dɔ: À kè diamε? N omε. Ben à wèàla à bè: Isarailinɔ bò zìlan wà bàa lè. Aɔ paridee lèe wà gāga. Solu kɔn a né Yonatāo gà dɔ. <sup>5</sup> Ben Dauda gɔkpare kè èe baaru pì kpaane là à bè: N ke dian ní dɔ kè Solu kɔn a né Yonatāo gà? <sup>6</sup> À wèàla à bè: Àe sɔ má kú Giliboa kpiigezi gweme, ben ma Solu è, èe gbāa ee a sária. Sɔgorodeenɔ kɔn sɔdeenɔ e kaa kī. <sup>7</sup> Kè à liε ma kpa, à ma e, ben à ma sisi. Ma bè: Máε kè! <sup>8</sup> Ben à ma la, mámbe dé ũu? Ben ma wèàla ma bè Amaleki boriin ma ũ. <sup>9</sup> Ben à bème mà sɔzi mà a dε, zaake á kú gaa lézīme, baa kè a wée kpé kēna féte. <sup>10</sup> Ben ma sɔzi ma à dè, zaake má dɔ eé fɔ à ble à lεna gbera dɔro. Ben ma à kífura kè à kuna sè kɔn zāa kè à danao, ben ma suonne kè ma dii. <sup>11</sup> Ben Dauda a pókāsāanɔ gà à kè, ben gbē kè aɔ kúonɔ ní pónɔ kèkē se. <sup>12</sup> Aɔ Solu kɔn a né Yonatāo gana ɔɔ dò kɔn Dii

gbē Isarailinɔ, zaake zī́ n blé. Wéé'i bòmúma, ben aǎ lé yì ai uusie.

<sup>13</sup> Dauda gǎkpare kè à baaru pì kpàne là à bè: N beε kú máme? Ben à bène: Bòamɔ nén ma ũ, Amaleki borii. <sup>14</sup> Ben Dauda à là à bè: À kè dia kína kè Dii kà dena vĩa e n kũroo? <sup>15</sup> Ben Dauda a gǎkparenɔ doke sisi à bè: N à lé n de se. Ben à à lè à dè. <sup>16</sup> Zaake Dauda gĩake à bène: N n zĩnda dème. N zĩnda lé bé à n da yān, n bè n kína kè Dii kà dè.

*Sósobile kè Dauda sù Solu kǎn Yonatāo ga yā musu*

<sup>17</sup> Dauda sósobi lè kè sù Solu kǎn a né Yonatāo ga yā musu. <sup>18</sup> À bè wà lè pì dada Yudanɔne. À kú Yasa takadan.

<sup>19</sup> Isarailinɔ gakuideenɔ gàga sùsĩgeezi,  
gǎsagbāaanɔ ii òme!

<sup>20</sup> Àton à baaru kpá Gata zédaanlo,  
le Filisitini nɔgbènɔ tón à pɔnnaa kero yānzi.

Àton à kpàakpa ke Asakelɔniro,  
le gefɔde nénɔgbènɔ tón áyuwi kero.

<sup>21</sup> Kpíi tón kpá Giliboa gbè musua dɔro,  
lou tón ma buraa kè aǎ kú gweenɔa dɔro,  
gwen wà ɔ sè gǎsagbāaanɔ sengbangonɔzi,  
nósi dɔkɔna Solu sengbangoa lé zè!

<sup>22</sup> Kè wèe gǎsagbāaa aru fáa guua,  
wèe n gbèèè paraa,  
Yonatā kàzuri pāsī è kpeε gwaro,  
Solu fēedade pāsī è su koriro.

<sup>23</sup> Solu kǎn Yonatāo,  
gbē maa yenzideenɔme!  
Aǎe kēkōa wèndi ke gaanlo.  
Aǎ wāaa de kúunɔla,  
aǎ gbāaa de músunɔla.

24 Isaraili nɔgbɛnɔ,  
à wée'i kán Solu ga yã musu.

À bisa tēaa yìare kɔ̃n nɔmaablebɔnɔ,  
à a pókāsāanɔ kèkɛare kɔ̃n zāblebɔ kè wà pì kɔ̃n  
vuraonɔ.

25 Gɔ̃sagbāaanɔ ii ò zllan fá!  
Yonatā daena gè ù s̀s̀ĩgɛɛzi.

26 Ma gbɛ Yonatā,  
ma gɔ̃ nawēa guu n yānzi,  
ń maame wásawasa.  
Yenzi kè ń vīmao sáa vīro,  
à de nɔ yenzila.

27 Gɔ̃sagbāaanɔ ii ò fá!  
Aɔ̃ gɔ̃kɛbɔnɔ kàate.

## 2

### *Dauda kana Yudanɔ kpatan*

<sup>1</sup> Beee gbɛra Dauda Dii là à bè: Mà gá Yuda wétɛnɔ doke guuɔ? Dii bène à gá, ben Dauda èara à à là à bè: Mákpan mà gán? Dii wèàla à bè: Èbɔnu kpa. <sup>2</sup> Ben Dauda gàa gwe kɔ̃n a nɔ mèn plaaanɔ, Yɛzɛrili gbɛ Ainɔama kɔ̃n Nabala gyaanɔ Abigaili, Kameli gbɛo. <sup>3</sup> Dauda gàa kɔ̃n gbɛ kè aɔ̃ kúonɔ dɔ, baade kɔ̃n a bɛdeenɔ, ben aɔ̃ vèe Èbɔnu kɔ̃n à lakutunɔ. <sup>4</sup> Ben Yudanɔ gbɛnsinɔ m̀ wà nósi kù Dauda m̀a gwe, aɔ̃ à kà Yudanɔ kína ũ.

Kè Dauda mà Yabesi Giliadadeenɔ bé wà Solu ṽi,  
<sup>5</sup> à gbɛnɔ z̀m̀ma, aɔ̃ gàa wà bènnɛ: Dauda bè Dii aubarika daagu, kè a gbɛkɛ kè Solu a diine a à ṽi.  
<sup>6</sup> Dii gbɛke yã kɔ̃n náane yāo kɛare. Mapi s̃ mé à maa kɛare kè a yã pì kè yānzi. <sup>7</sup> Tia sa àgɔ gbāa à

kùgbāaa ke. A dii Solu gà ben Yudanɔ ma ka n kína ũ.

<sup>8</sup> Nere né Abana, Solu zìkpεεnɔ gbēnsi gĩake à gàa se kɔn Solu né Isiboseo Manaimu. <sup>9</sup> Ben à à kà kí ũ Giliada b̄usun kɔn Asa boriinɔ b̄usuo kɔn Yezerialio kɔn Eflaimu boriinɔ b̄usuo kɔn Beyāmi boriinɔ b̄usuo kɔn Isarailinɔ b̄usu kpaaanɔ pínɡi. <sup>10</sup> Solu né Isibose wè baplaadee guun à ḡ Isarailinɔ kína ũ. À kí blè wè plaa. Yudanɔ s̄, Daudan ā zèo. <sup>11</sup> Dauda kí blè Yudanɔne zaa Ebbnu ai wè swεεplaa kɔn mɔ swεεdooo.

### *Isarailinɔ zìkana kɔn Yudanɔ*

<sup>12</sup> Nere né Abana kɔn Solu né Isibose zìkpεεnɔ b̄ò Manaimu wà gàa Gibiɔ. <sup>13</sup> Zeruya né Yoabu kɔn Dauda zìkpεεnɔ f̄ε wà gàa dańle Gibiɔ íkaekii sae. Ās ḡali doo kú í baa kè kpa, ās ḡali doo kú í baa k̄aa kpa. <sup>14</sup> Ben Abana bè Yoabune: Ñ tó ḡkpare kenɔ f̄ε k̄zi wà gwa. Ben Yoabu bè: Ās gá. <sup>15</sup> Ben Beyāmi zìkarinɔ f̄ε ḡɔn kuri awεεplaa Isibose p̄ó ũ, ben Dauda zìkarinɔ f̄ε ḡɔn kuri awεεplaa se. <sup>16</sup> Baade ɔ kà a ɔsikari daa mìkpεεzi, ben ās k̄ z̄z̄ k̄ gbànt̄ea kɔn f̄εo ās l̄e ledole. Ben wà tó kpà Gibiɔ guu p̄ine F̄elennabura. <sup>17</sup> Zì kè wà kà z̄i beea p̄āsī maamaa, ben Dauda zìkpεεnɔ z̄i blè Abana kɔn Isarailinɔa.

<sup>18</sup> Zeruya néḡgb̄e ḡɔn aaḡɔnɔ kú gwe, Yoabu kɔn Abisaio kɔn Asahelio. Asaheli s̄ bà nna lán z̄ò bà. <sup>19</sup> Ben à p̄ε Abanazi, è lie ɔplazi ke ɔzeziro. <sup>20</sup> Kè Abana a kpεε gwà à à è, ben à bè: Asaheli, míbe gwe? À wèàla à bè: Mámbee! <sup>21</sup> Ben Abana bène: Ñ lie n ɔplaazi ke ɔεεzi, n̄ ḡkparenɔ doke kú n̄ à p̄ɔnɔ

sía. Mòde Asaheli e zenero. <sup>22</sup> Abana èara à bène do: Nton s̄maziro. N̄ yezi mà n den yó? Tó ma n de, mé we wa wée ke siiḡs̄ k̄n n v̄i Yoabuo d̄ó? <sup>23</sup> Mòde Asaheli ḡi, èe zenero, ben Abana à z̄ò a gb̄een̄ k̄n a s̄ari páo ai à b̄ò kp̄ee kpa. Gwen à l̄een̄ à gà ḡó. Kè baade píngi kà guu kè à l̄ee à gà p̄in, ās̄ z̄è wèe gwaa.

<sup>24</sup> Ben Yoabu k̄n Abisaio p̄è Abanazi ai ɔf̄ant̄è gàa à ḡèo kp̄én. Ās̄ kà Ama s̄is̄i kè kú Gia ɔf̄ant̄eb̄oe kpa Gibīs̄ gb̄áa z̄én. <sup>25</sup> Beyāmi boriin̄o k̄ak̄ōa Abanazi ḡali do, ben ās̄ gàa wèe gii k̄n n̄ z̄indao s̄is̄i musu. <sup>26</sup> Ben Abana lé zù Yoabuzi à bè: Wé ze k̄d̄edenaneroo? N̄ d̄s̄ kè yā p̄i é m̄i de k̄n p̄osiaaoroo? Né o n gb̄ēn̄ne ās̄ zewe ās̄ era wà tároo? <sup>27</sup> Ben Yoabu wèàl̄a à bè: Ludaa kuu! Tó néé lé sí yāro, ma gb̄ēn̄o é zearero ai gu gá do. <sup>28</sup> Kè Yoabu kuru p̄è, ben à gb̄ēn̄o k̄amma b̄ò, ās̄oe gá Isarailin̄o z̄io d̄oro.

<sup>29</sup> Gwāav̄i beeea Abana k̄n a gb̄ēn̄o t̄aa ò s̄èn ās̄ bikù Yodaa, ben ās̄ d̄ò swad̄ozi ai ās̄ gàa wà kà Manaimu. <sup>30</sup> Kè Yoabu sù k̄n pena Abanaao, ben à a z̄ikp̄een̄o k̄ak̄ōa n̄ píngi. Dauda gb̄ēn̄o té ḡōn baro dosai bé wà kuuro, Asaheli baasi. <sup>31</sup> Ās̄ Beyāmi kè ās̄o kú k̄n Abanaon̄o d̄ède ḡōn wàa do k̄n bas̄oraaḡōo. <sup>32</sup> Ās̄ Asaheli ḡè s̄è ās̄o v̄i à de miran Betel̄emu. Ben Yoabu k̄n a gb̄ēn̄o t̄aa ò gwāav̄i ās̄ kà Ebl̄nu gud̄nao.

### 3

<sup>1</sup> Z̄i kè Solu b̄eedeen̄o kà k̄n Dauda b̄eedeen̄o ḡi kè. Dauda gb̄āaa e kaara, Solu b̄eedeen̄o s̄ gb̄āaa e lagoo.

### *Dauda négōgbēnō*

<sup>2</sup> Négōgbē kè Dauda ì Èblōnunō tón yè. À káaku tón Aminō. À da tón Ainōama, Yezèrili gbēmè. <sup>3</sup> À plaade tón Kiliabu. À da tón Abigaili, Nabala gyaanō Kameli gbēmè. À aagōde tón Abusalomu. À da tón Maaka, Gesuu kína Talamai néme. <sup>4</sup> À siigōde tón Adonia. À da tón Agi. À sōōrode tón Šefatia. À da tón Abitali. <sup>5</sup> À swēēdode tón Itiriamu. À da tón Egela. Dauda nōōnō né pīnō ì Èblōnumè.

### *Abana nana Daudaa*

<sup>6</sup> Gurōō kè Solu bēdeenōō e zī kaa kōn Dauda bēdeenō, Abana e gbāa kūu Solu bēdeenō guu. <sup>7</sup> Solu nō yīgī sai vī yā, à tón Rizipa, Aya néme. Isibose bē Abananē: N kè dia n daē kōn ma de nōōō? <sup>8</sup> Abana pō fē maamaa Isibose yā pì yānzi à bē: Gbēē gèn ma ū Yudanō kpaó? Mée gbēkēē kēē n de Solu bēdeenōnē kōn à dāaronō kōn à gbēnnanō ai kōn a gbāao. Mée n na Daudanē a zīro, ben nēē ma taari ee nōgbē pì yā musu saa? <sup>9</sup> Tó mēē lé kè Dii gbē Daudanē kenēro, Luda yā kemē pāsīpāsī. <sup>10</sup> Mēē kpata sí Solu bēdeenōa mà tó Dauda gō Isarailinō kōn Yudanō kína ū sena zaa Dani ai à gá péo Bēēsebaa. <sup>11</sup> Isibose e sí à wē Abanala dōro, kè èē vīa kēēnē yānzi.

<sup>12</sup> Abana gbēnō zī Daudaa kōn a tóo à bēnē: Dé bé à būsū vīi? Wà lēdole kē, mé dōnle le Isarailinō bà e àgō kúnyo ní pīngi. <sup>13</sup> Ben Dauda bē: À maa, mé lēdole kenyo, mōde yā mēn doon mēē gbekaamma. Tó nēē mōō ma gwa, tó nēē mómē kōn Solu nēnōgbē Mikalaoro, ñton tó wa wēē sikōlero. <sup>14</sup> Dauda lēkpāsā kè Solu né Isibosenē à bē: Ñ ma naō Mikala

sukpame. Ma anzure blè kōn Filisitininɔ gefɔɔ mèn basɔɔro. <sup>15</sup> Ben Isibose gbēnɔ zì, aɔ nɔgbē pì sì a zā Palatieli, Laisi néa. <sup>16</sup> Ben à zā pì e gaao à tézi ai Bahurimu, èe ɔɔ dɔɔ. Ben Abana òne à ɛara à tá, ben à ɛara.

<sup>17</sup> Abana yā ò kōn Isaraili gbēnsino à bè: Zaa zi ée weteɛ Dauda gɔ de a kína ũ. <sup>18</sup> À à ká sa, zaake Dii lé gbēne à bè, é a gbē Isarailinɔ bɔ Filisitininɔ kōn n í ibeenɔ ɔzì n pínɡi a zòbleri Dauda pì gāzime. <sup>19</sup> Abana yā pì dà Beyāmi boriinone n swála dɔ. Ben à gàa Eblonu, le à yā kè à kè Beyāmi boriinɔ kōn Isarailinone pì o Daudane. <sup>20</sup> Kè à kà Dauda kiia zaa Eblonu kōn gɔɔn baroo kè aɔ kúono, ben Dauda pɔnna pòblee kèine. <sup>21</sup> Ben Abana bè Daudane: Ma dii kí, n tó mà fɛɛ mà gá mà Isarailinɔ kakōanne n pínɡi, le aɔ ledole kenyo, négɔ de bùsu kè n pɔɔ yezi pínɡi kína ũ. Ben Dauda Abana gbàre, à tá aafia.

### *Abana dena*

<sup>22</sup> Zì beea Yoabu kōn Dauda gbēnɔ sù kōn léemmao. Aɔ pónɔ sì gbēnɔa maamaa aɔ sùo. Abana kú kōn Daudao gwe dɔro, zaake à à gbàre, à tá aafia. <sup>23</sup> Kè Yoabu kōn zìkari kè aɔ kúono kà, wà òne Nere né Abana mò kína gwa, ben à à gbàre à tá aafia. <sup>24</sup> Ben Yoabu gàa à kína lè à bè: Bó yān n kè gwee? Kè Abana mò n kiia, bóyānzi n tó à tàzi? <sup>25</sup> N Nere né Abana dōro? À mò ɔndɔ kenzi, le à e agɔ n gágurɔɔ kōn n sugurɔɔ dɔ kōn n yākenano pínɡi. <sup>26</sup> Kè Yoabu bɔ Dauda kiia, ben à gbēnɔ zì, aɔ pèe Abanazi. Aɔ à lè Sira lɔgɔ kiia, ben aɔɔe suuo, mɔde Dauda à yā dōro. <sup>27</sup> Kè wà kà kōn Abanao Eblonu wéte bīilea, ben Yoabu à sisi lándɔ à yezi à asiyyā one

bà, ben à à zò a gbεεεn, à à dè. À dǎaro Asaheli dεna gēεn à bòa gwe.

28 Beee gbera kè Dauda mà, à bè: Mapi kōn ma kíκεεο, mégō taari vī Diine Nεε né Abana dεna yǎ musuro. 29 Yǎ pì é wí Yoabu musumε kōn à de bεdeenɔ́ ń píngi. Yoabu bεdeenɔ́ égō kuu kentudee ke kusu ke εεε ke gbē kè zǐ à blè ke nɔadεri sairo. 30 Yoabu kōn Abisaio Abana dè, kè àmbe à ń dǎaro Asaheli dè zǐlan zaa Gibiō yǎnzi. 31 Ben Dauda bè Yoabunε kōn gbē kè aǎ kúonɔ́ ń píngi: À a pókāsāanɔ́ gága à kēkē, à uta kāsāanɔ́ dada, àgō té aε kōn Abana gèο kōn ɔ́ dɔɔο. Kí Dauda sɔ́ té ń kpεε. 32 Ben wà à vǐi Eblonɔ́ gwe. Kína sósobi ɔ́ dò gbāngbān Abana miraa, ben baade píngi ɔ́ dò se. 33 Ben kína sósobile kèkii sǐ Abana yǎ musu à bè:

Abana gana lán misaidee bà maan gweó?

34 Wèe n gǎ yinnε n kpεε kparo,  
wèe gata kpánnero,

n ga lán gbē kè gè zaakerinɔ́ ɔzǐ bà.

Ben baade píngi èara wà ɔ́ dò dɔ. 35 Baade píngi mò wà ò Daudanε à pó ble ai guu gō gá si, mɔde à ladà à bè: Tó ma buređi ke póble ke dà ma lén ofǎntē gēna kpén sai, Luda yǎ kemε pāsǐpāsǐ. 36 Baade píngi wée tè yǎ pǐzi, ben à kēńne maa. Yǎ kè kí e keε píngi è ke gbēnɔ́nε maamε. 37 Zǐ beea Dauda gbēnɔ́ kōn Isarailinɔ́ píngi dò sa kè kí lé kú Nεε né Abana dεna yǎnlo. 38 Ben à bè a gbē pìnɔ́nε: Á dō kè Isaraili dɔn'aede bíta gǎ gbàaroo? 39 Mámɔma sō, baa kè Luda ma ka kí ũ, ma busa gbǎa. Zeruya né pìnɔ́ yǎkεna pāsǐ de ma póla. Dii bé eé fǐa bo zaakerine a zaa lén.



## 4

*Isibose dena*

<sup>1</sup> Kè Solu né Isibose mà Abana gà Eblonu, à kã gà, ben Isarailinɔ gɔ̀ bídi guu ń píngi. <sup>2</sup> Solu né pì zìkpe gbẽnsinɔ vī gɔ̀ɔn plaa, à doo tón Baana, à doo sɔ̀ Rekabu. Beero gbẽ Rimɔ̀, Beyāmi bori nénɔ̀mɛ. Wà Beero dīe Beyāmi bùsu pó ũ yāme, <sup>3</sup> zaake Beerodeenɔ̀ bàa lè wà tà Gitaimu aɔ̀ kú gwe ai kɔ̀n a gbàao. <sup>4</sup> Solu né Yonatā sɔ̀ né vī ɛɛ ǔ. Gurɔ̀ kè né pì kà wè sɔ̀oro, ben Solu kɔ̀n Yonatāo gana Yezɛrili baaru sù. Kè à gwàri à sè èe bàa lɛɛo, à wāna guun né pì pítia à lèɛ. Bee bé à tò à ɛɛ kù. À tón Mefibose.

<sup>5</sup> Beero gbẽ Rimɔ̀ né pìnɔ̀ Rekabu kɔ̀n Baanao fɛɛ, ɔ̀fāntɛ gbāaazin aɔ̀ kà Isibose be, gurɔ̀ kè èe i fāantɛ oo. <sup>6</sup> Ben Rekabu kɔ̀n a dāaro Baanao gè kpén aɔ̀ kè lándɔ̀ wèe gaa pówɛɛ kɔ̀ bà. <sup>7</sup> Kè aɔ̀ gè kpén, Isibose daena a gádoa, ben aɔ̀ gèzi kpéne guu aɔ̀ à zò wà dè. Ben aɔ̀ à mì zò aɔ̀ sè wà tào. Aɔ̀ pèɛ Yoda sɛn, ben aɔ̀ táa ò ai guu gàa à dò. <sup>8</sup> Aɔ̀ mò Dauda kiia Eblonu kɔ̀n Isibose mìo aɔ̀ bène: N̄ gwa, n̄ ibɛɛ Solu kè à wète à n̄ de né Isibose mìn yè. Wa dii kí, Dii gɛɛ bònne Solu kɔ̀n a boriinɔ̀a gbàa. <sup>9</sup> Dauda wénla à bè: Dii kuu! À ma bɔ̀ ma nawɛakɛna guu píngi. <sup>10</sup> Kè gbẽke mò ma kiia Zikilaga yā à bè Solu gà, èe daa baaru nnaan ée kpa, ben ma à kù má dè. À baaru àren gwe. <sup>11</sup> Dɛbeelana lán amɔ̀a gbẽ zaaanɔ̀ a taarisaidee dè a gádoa a kpén nà, mé à dena gɛɛ boawa mà a wèndi bɔ̀ se. <sup>12</sup> Ben Dauda yā ò a gbɛnɔ̀ne, ben aɔ̀ n̄ dɛdɛ. Aɔ̀ n̄ ɔ̀la kɔ̀n n̄ gbálanɔ̀ zòzò, ben aɔ̀ n̄ gènɔ̀ lògo Eblonu

ítóki sae. Ben wà Isibose mì sè wà v̄i Abana miran zaa Eblonu.

## 5

### *Dauda kana Isarailinɔ kpatan*

<sup>1</sup> Isarailinɔ m̀ ñ boriia ñ píngi Dauda kiia zaa Eblonu ā bè: Wa aru d̄n̄k̄m̄e. <sup>2</sup> Zaa zi gurɔ̀ k̀è Solu de wa kí ũ, m̀be n̄è d̄owe ae z̄ìlan, gana k̄n̄ sunao. Ben Dii b̄enne, m̀be n̄éḡɔ de a gb̄e Isarailinɔ d̄on'aedee ũ, ā k̄ina ũ. <sup>3</sup> K̀è Isaraili gb̄ensinɔ m̀ kí Dauda kiia zaa Eblonu ñ píngi, gwen à ledole k̀ènn̄yo Dii ae, ben ā n̄ósi k̀ù à m̄ia ā à k̀à Isarailinɔ kpatan. <sup>4</sup> Dauda k̀è w̄è baaakuri gurɔ̀ k̀è à nà kíblenaa, à v̄èe kpatan w̄è baplaa. <sup>5</sup> À kí blè Yudanɔne zaa Eblonu w̄è sw̄eεplaa k̄n̄ m̄ sw̄eεdoo, ben à kí blè Yudanɔne k̄n̄ Isarailinɔ píngi zaa Yerusalemu w̄è baaakuri aw̄eε'aaḡɔ.

<sup>6</sup> Kí k̄n̄ a gb̄enɔ ḡaa Yerusalemu ε à z̄ì ká k̄n̄ Yebusi k̀è āɔ̀ k̀ú gweenɔ. Ben ā bè Daudane: Né ḡè k̀ero, baa v̄ianɔ k̄n̄ εrenɔ āé pémma. Āɔ̀e daa Dauda é e à ḡè gwero. <sup>7</sup> K̄n̄ beeeo Dauda w̄éte b̄iidee k̀è w̄è sísi d̄ɔ Zayɔn p̄i sí, ben à ḡò à w̄étedaa ũ. <sup>8</sup> Z̄i beeeo Dauda bè: Tó gb̄e yezi à Yebusinɔ dede, séde à ḡè íze k̀è wà ȳò gb̄èn guu, eé εrenɔ k̄n̄ v̄ia p̄inɔ le. Dauda ib̄eεn̄ome. Bee ȳanzi w̄è be, v̄ianɔ k̄n̄ εrenɔ é ḡè kíbero. <sup>9</sup> Ben Dauda beε k̀ù w̄éte b̄iidee p̄i guu, à a z̄inda tó kp̄ane, Dauda W̄éte. À kp̄enɔ b̄obo à ligazi ai gura k̀è wà w̄è t̄atan, w̄è be Milo. <sup>10</sup> Dauda gb̄aaa e kaara, zaake Dii Luda Z̄ik̄pedee k̀úo.

<sup>11</sup> Taya kí Hiramun gb̄enɔ z̄ì Dauda k̄n̄ sida l̄inɔ k̄n̄ lí'arinɔ k̄n̄ gb̄è'arinɔ, ben ā beε b̄one. <sup>12</sup> Ben

Dauda dɔ̄ sa kɛ Dii a ka Isarailinɔ́ kí ũme, bensɔ̄ à a kpata kàaraare kɛ Isarailinɔ́ de Dii gbɛ̄nɔ̄ ũ yānzi.

<sup>13</sup> Dauda bɔ̄na Eblɔ̄nu gbera à èara à nɔ pāndenɔ̄ sè à kàara Yerusalemu dɔ̄ kɔ̄n nɔ yìgisainɔ̄, ben à négɔ̄gbɛ̄nɔ̄ kɔ̄n nɛnɔ̄gbɛ̄nɔ̄ ìnyo. <sup>14</sup> Négɔ̄gbɛ̄ kɛ à n í Yerusalemu pìnɔ̄ tɔ̄n yè: Samua, Sobabu, Natā, Sulemanu, <sup>15</sup> Íbaa, Elisua, Nefegi, Yafia, <sup>16</sup> Elisama, Eliada kɔ̄n Elifɛ̄letio.

<sup>17</sup> Kɛ Filisitininɔ́ mà wà Dauda kà Isarailinɔ́ kí ũ, ben aɔ̄ gàa wèe wɛtɛɛ wà à de n pínɡi. Kɛ à n baaru mà, ben à gàa sɛ̄te pɔ̄rɔtu. <sup>18</sup> Filisitininɔ́ zì'ɔ̄ pòro Refaimu guzuren, <sup>19</sup> ben Dauda Dii là à bè: Mà gá mà léɛ Filisitininɔ́a, né n name ma ɔ̄zì? Ben Dii wèàla à bè: N̄ gá, mé n nanne n ɔ̄zì. <sup>20</sup> Ben Dauda gàa Baali Perazimu, à zì blémma gwe. Ben à bè: Dii dòmɛ aɛ, à bɔ̄ à mò ma ibɛɛnɔ̄zi bùi lán í è guu fɔ̄ nà. Ben à tó kpà guu pìnɛ Baali Perazimu. <sup>21</sup> Filisitininɔ́ n̄ tãanɔ̄ tò gwe, ben Dauda kɔ̄n a gbɛ̄nɔ́ sɛ̄e wà tàò.

<sup>22</sup> Filisitininɔ́ èara wà mò dɔ̄, aɔ̄ zì'ɔ̄ pòro Refaimu guzuren. <sup>23</sup> Ben Dauda èara à Dii là dɔ̄. Ben Dii wèàla à bè: N̄ton gánzi súusuro. N̄ liganzi kpɛɛ kpa n̄ léémma kpè líkpɛ saɛ. <sup>24</sup> Tó a kèɛ kī mà lí pìnɔ̄ musu, à kɛ kpakpaa, zaake mámbe ma bɔ̄ ma dɔ̄are aɛ gwe, le mà zì bleare Filisitini zìkpɛɛnɔ́a yānzi. <sup>25</sup> Dauda kɛ lán Dii ònɛ nà, ben à zì blè Filisitininɔ́a sena zaa Gibiɔ̄ ai à gàa pé Gezaa.

## 6

### *Suna kɔ̄n Dii àkpatio Yerusalemu*

<sup>1</sup> Dauda èara à Isaraili kɛ à n sɛnɔ̄ kàkɔ̄a gɔ̄on bɔ̄rɔ baaakuri. <sup>2</sup> Ben à fɛ̄ɛ à dànyo zén, aɔ̄ gàa Baala kɛ kú Yuda bùsun, le aɔ̄ Luda àkpati sé wà

suo. Dii Zìkpede ègõ v̄ena kpatan àkpati pì malaika dèbedeenɔ dagura, bee yānzin wè be à tó kúazi. <sup>3</sup> Aã àkpati pì dà zùgoro dufu guu Abinadabu be s̄is̄i musu, ben aã dào zén. Abinadabu nénɔ Uza k̄on Ahioo bé āõe d̄oo zùgoro p̄izi, <sup>4</sup> Luda àkpati kún. Ahioo bé à té ae, <sup>5</sup> ben Dauda k̄on Isarailinɔ e ò w̄aa n̄ píngi Dii ae n̄ gb̄aa zaka lén k̄on lèsinao. Wèe m̄oo l̄e k̄on kúuo k̄on s̄eḡes̄eḡeo k̄on fagao k̄on s̄eḡeo.

<sup>6</sup> Kè aã kà Nak̄o ésegb̄ekiia, zùnɔ ḡèn s̄i, ben Uza ɔ b̄ò à nà Luda àkpatia. <sup>7</sup> Ben Dii p̄o f̄èzi, à à lè a dè àkpati sae gwe dà kè à kè yānzi. <sup>8</sup> Dauda n̄õe yàka, kè Dii p̄o f̄è Uzazi yānzi, ben wè guu pì sísi P̄of̄e'uzazi ai k̄on a gb̄aao. <sup>9</sup> Zì beea v̄ia Dauda k̄ù Dii yā musu à bè: Dian mé ke nà mà Dii àkpati sé mà táo? <sup>10</sup> Ben èe we à táo a w̄ete guu d̄oro, à liè à tàò Gata gb̄e Ɔbedi Ed̄omu be.

<sup>11</sup> Dii àkpati kú à be ai m̄o aaḡõ, ben Dii aubarika dàn k̄on à b̄edeenɔ n̄ píngi. <sup>12</sup> Wà bè kí Daudane: Dii aubarika dà Ɔbedi Ed̄omu b̄edeenɔn k̄on p̄o kè à v̄inɔ píngi a àkpati yānzi. Ben Dauda gàa gwe, à Luda àkpati sè èe suuo a w̄ete guu k̄on p̄onnaao. <sup>13</sup> Kè gb̄e kè āoo Dii àkpati senano gb̄a sè ḡèn sw̄eedo, ben Dauda saa ò k̄on z̄uswareeo k̄on z̄une b̄oro m̄ekpanao. <sup>14</sup> Dauda sa'o'uta dana, èe ò w̄aa Dii ae a gb̄aa zaka lén. <sup>15</sup> Àpi k̄on Isarailinɔ píngi e suu k̄on Dii àkpatio, āõe p̄onna wii l̄e, āõe kuru p̄e. <sup>16</sup> Kè Dii àkpati e ḡee Dauda w̄ete guu, ben Solu né Mikala e t̄ote gwaa windo guu. Kè à è kí Dauda e v̄iv̄i èe ò w̄aa Dii ae, à kya kàn a sw̄è guu. <sup>17</sup> Kè wà sù k̄on Dii àkpatio, wà diè a gb̄èn bisakutaa kè Dauda d̄one guu. Ben à sa'opo kè wè ká tén à té k̄ù ò

Dii aε kōn kennakōo sa'opoo. <sup>18</sup> Kè à saa ò à yāa, à sa maaa ò gbēnōne kōn Dii Zīkpede tóo. <sup>19</sup> Ben à buredi kpàatete Isaraili kè aō kakōana gweenōne kōo doodo gōgbēnō kōn nōgbēnō n pīngi kōn damina kàrao mèn doodo kōn geepe kàrao mèn doodo.

<sup>20</sup> Kè Dauda e suu be le à sa maaa o a bedeēnōne, ben Solu né Mikala bō à gàa à dààle à bè: Mmōn Isarailinō kína, gbē bèede yān n kè gwe gbàaó? N n zīnda mè òdōa n iba nōgbē zīkerinōne, lán wisaidee è a zīnda mè òdōa n nà. <sup>21</sup> Ben Dauda bè Mikalane: Diin ma ō wāne. Dii bé à ma se n de kōn a bedeēnō gēe ū, à ma ke a gbē Isarailinō dōn'aēdee ū. <sup>22</sup> Mé gbē futa yā ke de beeela, mé ma zīnda kēsā n ena guu, mōde nōgbē zīkeri kè n tēm̄ma pīnō bé aōé ma bèe ke. <sup>23</sup> Solu né Mikala sōo e né iro ai à gàa à gà o.

## 7

### *Luda légbēna Daudane*

<sup>1</sup> Kè kí v̄ēe a be, Dii à bō ibee kè aōo ligazinō o zī à gbà ãampakii, <sup>2</sup> ben kí bè annabi Natāne: Á'a! Kpé kè wà dō kōn sida líon mégō v̄ēēn, Luda àkpati gō diena bisakutaan-ó? <sup>3</sup> Natā wèàla à bè: Lán à kēnnē nà n ke, zaake Dii kúnyo. <sup>4</sup> Gwāavī beee a Dii yā sū Natāa à bè: <sup>5</sup> N̄ gá n̄ o ma zòbleri Daudane kè ma bè, àmbe eé kpé kè mégō kún dōmero. <sup>6</sup> Zaa gurōo kè ma Isarailinō bōe Iyipiti ai gbàa mée beē kūro. Mēgō sōki kpákpaame, bisakuta bé ma kúkii ū. <sup>7</sup> Guu kè ma sōki kpákpan kōn ma gbē Isarailinō n pīngi mēe dōn'aēdeenō die aō dōhne aε. Má ò n gbēkene, à kè dia èe kpé dōme kōn sida líoro zikió? <sup>8</sup> N̄ gá n̄ o ma zòbleri Daudane, mamōma Dii Zīkpede ma bè, ma

à sè sādākiia le àgõ de ma gbẽ Isarailinõ dõn'aedee ù. <sup>9</sup> Má kúo guu kè à gàan píngi, ben ma à ibeeno dèdene. Mé à tó bõ maamaa sa, eégõ kú anduna tódeenõ té. <sup>10</sup> Mé bõsu kpá ma gbẽ Isarailinõa, mé ñ káen, aõé vëen ñ pò ù. Aõ làakari gõ kpaena. Gbẽ zaaanõ é e wá wée tām̄ma lán aõ wée tām̄ma káaku <sup>11</sup> gurõ kè ma dõn'aedeenõ dièñne nà dõro. Mé à bõ a ibee pìnõ ozi ñ píngi.

Mamõma Dii mée oone, mámbe mé ua péene à boriinõ gbãa'ekii ù. <sup>12</sup> Tó à gurõ pàpa à gà, mé à borii kè bõ à mèn ke sé lezi, mé à kpá kpatan. <sup>13</sup> Àpi bé eé kpé dõ kè ma tó égõ kúa, mé à kpatablena gbá péé, eégõ kí blee ai gurõ píngi. <sup>14</sup> Mégõ dene De ù, eégõ de ma né ù. Tó à taari kè, mé wée taa kõn gòome, lán gbẽntee è gbẽ gbẽ nà. <sup>15</sup> Mõde ma gbẽke é kèkõao lán má kèkõa kõn Solu kè má à bõ Dauda aezĩ nàro. <sup>16</sup> À boriinõ égõ kpata blee gurõ píngi. À kpata pì égõ yãana vïro.

<sup>17</sup> Ben Natã yã pì gbã Daudane lán Dii òne nà píngi.

### *Dauda wékena Diia*

<sup>18</sup> Ben kí Dauda gè à vèe Dii ae à bè: Dii Luda, bón ma ùu? Dénõn ma bēdeenõ ù kè n ma ka gwena kè takaa? <sup>19</sup> Dii Luda, bee né yã néngome n kiia, ben n mamõma n zòbleri borii kè aégõ kú ziaanõ yã ò dõ? Len nèè keñne leó, Dii Luda? <sup>20</sup> Dii Luda, mé benne diamé dõ? Mamõma n zòbleri ñ ma dõ. <sup>21</sup> N yã bíta pì kè lán n pò yezi nà yã kè ñ ò yãzi, ben ñ tò mamõma n zòbleri má dõ. <sup>22</sup> Dii Luda, ñ bíta fá! Weé gbẽke lékõzinyoro. N baasiro dii ke kuuro, lán wá mà kõn wa swão nà. <sup>23</sup> Dén weé lékõzi kõn n gbẽ Isarailinõ? Anduna boriinõ té bori mèn doo

pìn n bɔ n gaa n bɔ, lɛ aɔgɔ dɛ n gbɛnɔ ũ. N n zĩnda tɔ bɔ, n yã bíta bɔnsaenɔ kɛ n gbɛ pìnɔnɛ, n pɛ bori kenɔa kɔn n tãanɔ n gbɛ kɛ n n bɔ Igipitinɔ aɛzĩ. <sup>24</sup> N Isarailinɔ diɛ aɔgɔ dɛ n gbɛnɔ ũ ai gurɔ pĩngi. Dii, n gɔ n Luda ũ. <sup>25</sup> Dii Luda, lɛ kɛ n gbɛ mamɔma n zɔblerinɛ kɔn ma boriinɔ yã musu, n gɔ zĩi kɛɛa gurɔ pĩngi. N kɛ lán n ò nà <sup>26</sup> lɛ n tɔ bɔ maamaa ai gurɔ pĩngi. Gbɛnɔ é be Dii Zìkpɛde bé Isarailinɔ Luda ũ. Mamɔma n zɔbleri Dauda, né ma boriinɔ kãsãa pɛɛ, <sup>27</sup> zaakɛ Dii Zìkpɛde Isarailinɔ Luda, n òmɛ n bè, né ma ua pɛɛmɛ ma boriinɔ gbãa'ekii ũ. Bee yãnzɪ mamɔma n zɔbleri ma kùgbãaa kɛ ma wɛɛkɛ kɛ kɛmmazi. <sup>28</sup> Dii Luda, n be Luda ũ, n yã náanɛ vĩ, ben n yã maaa kɛnɔ lɛ gbɛ mamɔma n zɔblerinɛ. <sup>29</sup> N aubarika da mamɔma n zɔbleri boriinɔn sa, n wɛɛ é gɔ tɛnzi gurɔ pĩngi. Dii Luda, n yã ò n aubarika dà mamɔma n zɔbleri boriinɔn, aɔégɔ aubarika vĩ ai gurɔ pĩngi.

## 8

### *Dauda zìblena bori pãndenɔa*

<sup>1</sup> Bee gɛra Dauda zì blè Filisitininɔa à n búsa à n mɛɛwi Gata sirmma. <sup>2</sup> À zì blè Mɔabunɔa, ben à tò aɔ dàɛ kɔ saɛ tɔɔtɛ. À bà yòmɔma. Tó à gbɛ kɛ aɔ kú bà plaa dagura dɛdɛ, è gbɛ kɛ aɔ kú bà do dagura tó bɛɛ. Ben Mɔabunɔ gɔ Dauda zɔblerinɔ ũ, ben aɔégɔ tángba kpaanɛ. <sup>3</sup> Dauda zì blè Reobo né Adadɛza, Zoba kínaa, gurɔ kɛ kɛ pí èara èɛ gaa ɔ tɔ Yuflati swasaɛdeenɔa. <sup>4</sup> Ben à à sɔgoronɔ kùkù mèn wàa sɔɔro kɔn sɔgorodeenɔ gɔɔn bɔɔ swɛɛplaa kɔn gbɛ kɛ aɔ tɛ kɛɛnɔ gɔɔn bɔɔ baro. Ben à n

sɔ̀nɔ̀ gbátíkyanɔ̀ z̄z̄ pínɡi, mèn basɔ̀ro bé ā b̄. <sup>5</sup> Siria kè āɔ̀ kú Damasakunɔ̀ m̀ ɔ̀ da Adadezaa, ben Dauda n̄ gb̄nɔ̀ dèdè ḡɔ̀n b̄rɔ̀ baro awεεplaa. <sup>6</sup> À gudákparinɔ̀ dièdiè Siria bùsun, ben ā ḡ à z̀b̀lerinɔ̀ ũ, āèḡ tánɡba kpaanε. Dii tò Dauda z̄ blè guu kè à ḡan pínɡi. <sup>7</sup> Dauda Adadeza ìbanɔ̀ vura sɛngbangonɔ̀ s̄è à tào Yerusalemu. <sup>8</sup> À m̀got̄ s̄è bítabita Adadeza wéte kè wè sísi Teba k̄n Berotaio guu.

<sup>9</sup> Kè Amata kí Tou mà Dauda z̄ blè Adadeza z̄̀kp̄εnɔ̀ n̄ pínɡi, <sup>10</sup> ben à a né Adoramu z̄̀ ì kp̄aa. À à s̄abu kp̄a z̄̀ kè à blè Adadezaa ȳanzi, zaake Tou z̄̀ k̄o ȳa. Adoramu m̀ k̄n vura p̄nɔ̀ k̄n kondogi p̄nɔ̀ k̄n m̀got̄ p̄nɔ̀, <sup>11</sup> ben kí Dauda k̄e Dii p̄ ũ lán à kè k̄n borii kè à gb̄aa blèmm̄anɔ̀ kondogi p̄nɔ̀ k̄n vura p̄nɔ̀ nà pínɡi, <sup>12</sup> Ed̄munɔ̀ k̄n M̄abunɔ̀ k̄n Am̄ninɔ̀ k̄n Filisitininɔ̀ k̄n Amalekinɔ̀. Len à kè ε k̄n p̄ kè à s̄i Zoba kí Adadeza, Reobo néao. <sup>13</sup> Len Dauda t̄ b̄ ε. Kè à z̄ blè Sirianɔ̀ à s̄u, à Ed̄munɔ̀ dèdè Guzurε Wisideen ḡɔ̀n b̄rɔ̀ baro plaasai. <sup>14</sup> Ben à gudákparinɔ̀ dièdiè Ed̄mu bùsun d̄, ben Ed̄mu p̄nɔ̀ ḡ à z̀b̀lerinɔ̀ ũ. Guu kè Dauda ḡan pínɡi Dii è t̄o à z̄̀ blemε.

<sup>15</sup> Daudan Isaraili bori pínɡi k̄ina ũ, à ȳa maa kè a gb̄nɔ̀nε a z̄́ea. <sup>16</sup> Zeruya né Yoabun z̄̀kp̄εnɔ̀ gb̄nsi ũ. Ailudi né Yosafatan baarukpari ũ. <sup>17</sup> Aitubu né Zad̄ki k̄n Abiata né Aim̄lekion sa'orikinɔ̀ ũ. Serayan takadak̄eri ũ. <sup>18</sup> Yoyada né Benayan dogarinɔ̀ gb̄nsi ũ. Dauda z̄̀nda néḡgb̄nɔ̀n a kp̄asinɔ̀ ũ.



## 9

*Dauda gbêkεε kena Mefibosεne*

<sup>1</sup> Dauda gbẽno là: Solu bori kee e gõroo? Má yezi mà gbêkεε kenε Yonatã yãnzì. <sup>2</sup> Solu be zĩkeri ke kuu, à tón Ziba, ben wà à sìsi kí Daudanε. À à là à bè: Mbe Ziba ũs? À wèàla à bè: Ee, n zòblerin ma ũ. <sup>3</sup> Ben kí pì à là à bè: Solu bori ke kuu ai tiaó? Má yezi mà Luda gbêkεε kenεmε. Ben Ziba wèàla à bè: Yonatã né ke kuu ai tia. Eremε. <sup>4</sup> Ben kí à là à bè: À kú máme? Ziba wèàla à bè: À kú Amieli né Maki be zaa Lodeba. <sup>5</sup> Kí Dauda gbẽno zì, ben wà m̀o. <sup>6</sup> Kè Yonatã né Mefibosε, Solu dio kà Dauda kiia, à kùenε à dàe a puua. Ben Dauda bè: Mefibosε! À wèàla à bè: N zòblerin ma ũ. <sup>7</sup> Ben Dauda bènε: Nton tó vĩa n kũro, zaake mé gbêkεε kennε n de Yonatã yãnzime. Mé n dezi Solu buraano sukpanne píngi, négaegõ moó pò blemao guro píngi. <sup>8</sup> Mefibosε kùenε à bè: Bón mamoma n zòbleri ũ kè né ma wènda gwaa? Má de lán gbêε gè bàroo?

<sup>9</sup> Ben kí Dauda Solu zĩkeri Ziba sìsi à bènε: Pó kè de Solu pò ũ kòn à bεdeenõ pò píngi, má kpà n dii dioame. <sup>10</sup> Mpi kòn n nẽno kòn n zĩkerino, àgae à tɔɔte zĩ kenε, à à póno keke, le à e àgõ kūsãε vĩ. N dii dio Mefibosε égaegõ pò blemao guro píngi. Ziba sõ négõgbẽno vĩ gõon gẽro kòn zĩkerino gõon baro. <sup>11</sup> Ben Ziba bè kíne: Yã kè ma dii kí ò mamoma a zòblerinε, mé ke píngime. Ben Mefibosε ègõ pò bleε kòn kíó, à gò lán kína nẽno doke bà. <sup>12</sup> Mefibosε négõgbẽ vĩ, à tón Mika, bensõ Ziba bεdeenõ gò Mefibosε zĩkerino ũ n píngi. <sup>13</sup> À kú Yerusalemu, zaake ègõ pò bleε kòn kíó guro píngime. Bensõ eren à ũ.

# 10

## *Dauda zìblena Amɔninɔ*

<sup>1</sup> Beee gbera Amɔni kína gà, ben à né Anuni vèè à gèè ũ. <sup>2</sup> Dauda bè: Mé gbèkèè ke Naasa né Anuninè lán à de gbèkèè kème yā nà. Ben Dauda a ìba kenɔ zìà, le aɔ gá Amɔninɔ bùsun wà à làakari kpáene à de ga yā musu. Kè Dauda ìba pìnɔ kà gwe, <sup>3</sup> Amɔni kíneno bè ní dii Anuninè: Néè daa Dauda gbèno zìmma n de gè kpedana yānzi le à n làakari kpáennen yó? À ní zī le aɔ mó wa wéte asii gwame, le aɔ eara wà mó wà wéte ble zìo. <sup>4</sup> Ben Anuni Dauda ìba pìnɔ kùkù à ní létánka ká bò kpadokpado, à ní pókāsāano zòzò ní pòronɔ dagura, ben à ní gbáe. <sup>5</sup> Kè wà ò Daudane, ben à gbèno zì aɔ gá dañle, zaake wí ní kù maamaa. Aɔ béñne: Kí bè, à vèè Yeriko ai a létánka ká kù, é gbasa à su.

<sup>6</sup> Kè Amɔninɔ è Dauda ye ní kázi doro, ben aɔ fīa bò gbènonne le aɔ zì káñne: Siria kè aɔ kù Betereobu kɔn Zobao kè aɔ té kèsenɔ gɔɔn boro baro kɔn kí Maaka zìkpeeno gɔɔn boro do kɔn Tobudeeno gɔɔn boro kuri aweeplaa. <sup>7</sup> Kè Dauda mà le, ben à Yoabu gbàremma kɔn zìkarinɔ ní pínji. <sup>8</sup> Amɔninɔ bò wà zì'ɔ pòro ní wéte bíile, ben Zoba kɔn Betereobuo Siriano kɔn Tobudeeno kɔn Maaka gbèno kù sèn ntèe. <sup>9</sup> Kè Yoabu è wà zì'ɔ pòro a ae kɔn a kpèeo, ben à Isaraili zìkari maaano plèple à ní kpátete aɔ gá léè Siriano. <sup>10</sup> Ben à zìkari kpaano nà a dāaro Abisaine a zì, ben à ní gbáe aɔ gá léè Amɔninɔ. <sup>11</sup> À bè: Tó Siriano gbāaa e ma fuu, n mó n ɔ dama. Tó Amɔninɔ gbāaa e n fuume sɔ, mé mó mà ɔ damma.

12 Ngõ gbãa, wà gõgbêkεε ke wa gbẽno kõn wa Dii wétεno yã musu. Dii é yã kè kènε maa ke. 13 Ben Yoabu kõn zìkari kè aõ kúono gàa Sirianoa kõn zìo, ben Siria pìno bàa lènnε. 14 Kè Amõninoo è Siriano bàa lè, ben aõ bàa lè Abisainε se aõ sì wéte guu, ben Yoabu nì tó gwe à tà Yerusalemu.

15 Kè Siriano è Isarailino zì blèmma, ben aõ èara wà kõ kàkõa. 16 Ben Adadeza gbẽno zì, aõ sù kõn Siria kè aõ kú Yuflatì baa kãa kpaano, ben aõ gàa Elamu. Sobakin Adadeza zìkpεε pìno gbẽnsi ù. 17 Kè Dauda mà lε, ben à Isarailino kàkõa nì píngi, à bikùnyo Yodaa à gàa Elamu. Ben Siriano zì'oo pòrozi, ben aõ sikõn. 18 Kè aõε bàa lεε Isarailinone, ben Dauda nì dεdε sõgorodeeno gõon wàa aagõ kpé basõoro kõn gbẽ kè aõ té kèseno gõon boro baplaa. Gwen wà nì zìkpεeno gbẽnsi Sobaki dèn. 19 Kè kí kè aõ dε Adadeza zòblerinoo ùu è Isarailino zì blèmma lε, ben aõ ledole kè kõn Isarailino aõ gõ nì zòblerinoo ù. Vĩa Siriano kù, aõε gá wà oo da Amõninooa doro.

## 11

### *Dauda yena Basebazi*

1 Kè í kè tõtεa, guroo kè kìnano è gá zì ká, ben Dauda Yoabu zì kõn a ìbano kõn Isarailino nì píngi. Aõ Amõninoo ásarù kè, ben aõ ligà Rabazi. Dauda sõo kú Yerusalemu. 2 Kè uusiε kè, ben Dauda fεε a gádoa, èε ligaa a kpé musu. Zaa kpé musu gwe ben à nõgbẽ ke è, èε zú oo. Nõgbẽ pì né nõ maaame maamaa, 3 ben à gbẽ zì wà nõgbẽ pì yã gbeka. Ben wà bène: Eliamu né Baseban gwe, Iti bori Uria naõmε. 4 Ben Dauda gbẽno zì wà à sísi. Kè à mò, ben

Dauda dàeo, ben nɔgbē pì tà bε. Àe sǒ à zúbaε gbāsī bò dufumε. <sup>5</sup> Kè à nò sì, ben à lékpāsá kè Daudanε à bè a nò sì.

<sup>6</sup> Ben Dauda gbē zǐ Yoabua à bè: Ñ Iti bori Uria gbareμε. Ben Yoabu à gbàρενε. <sup>7</sup> Kè Uria pì mò, ben Dauda Yoabu aafia gbèka kǒn zǐkpeeno kǒn zǐ kè aǒε kaaο. <sup>8</sup> Ben Dauda bèνε: Ñ tá bε ñ zú ο. Kè Uria bò kίβε, ben kίna gbē zǐa kǒn póbleeo. <sup>9</sup> Mɔde Uria e tá a bero, kίβε gānu guun à ìn kǒn kίβε zǐkerino. <sup>10</sup> Kè wà ò Daudanε wà bè, Uria e tá a bero, ben à Uria là à bè: À de n bɔ tázi n sumε gwεε? À kè dia néε tá beroο? <sup>11</sup> Uria wèàla à bè: Àkpati kǒn Isarailino kǒn Yudanɔ kú bisakutaano guu. Ma dii Yoabu kǒn a gbēno kú zǐlan. Mé fǒ mà tá bε mà pó ble mà í mi, mà daε kǒn ma naɔoro. Kǒn n kuunao mé yā pì taka kero. <sup>12</sup> Ben Dauda bèνε: Ñ gǒ kè gbàa dɔ, zian mé n gbare. Ben Uria gǒ Yerusalemu zǐ beeeε kǒn a gudɔ làaο dɔ. <sup>13</sup> Dauda à sisi à pó blè à í mìο, ben Dauda í kàkanε. Mɔde kè à bò uusiε, à gàa à ì kǒn a dii kίna zǐkerinoμε, èε tá a bero. <sup>14</sup> Kè guu dò Dauda takada kè Yoabunε, ben à Uria gbàreo. <sup>15</sup> Takada pì guu à bè: À Uria dǒnne aε guu kè zǐ pāsīn, é bɔ à kpeε le wà e wà à de.

<sup>16</sup> Gurɔ kè Yoabu e ligaa wéte pìzi, ben à Uria dà guu kè à dǒ gǒsa gbāano kún. <sup>17</sup> Kè wétedeenɔ bòe wèε zǐ kaa kǒn Yoabuo, aǒ Dauda zǐkari kenɔ dède. Iti bori Uria kú ñ té.

<sup>18</sup> Ben Yoabu gbē zǐ Daudaa le à zǐ yā gbāne píngi. <sup>19</sup> À bè zǐri pìne: Tó n zǐ yā gbà kίne píngi n yāa, <sup>20</sup> tó à nòse fèε à n la à bè: Bó bé à tò a sǒ wétezi kǐkǐi kǒn zǐo? À dǒ kè bǐmusudeeno è kà gbareñzi tɔteroο?

21 Dé bé à Gidion né Abimeleki dè? Nɔgbē bé à ɔ sò wísilɔgbɛzi zaa bīi musu, ben à à dè Tebeziroo? À kè dia a sɔ bīizi kīikīi lɛɛ? Tó à ònne lɛ, n̄ benɛ a zòbleri Uria, Iti borii gà dɔ. 22 Ben z̄iri pì dà zén. Kè à kà Dauda kiia, à yā kè Yoabu dāne òne píngi. 23 À bè: Gbēnɔ b̀de wéte guu wèe gbāa mɔɔwe bīi kpɛɛme, ben wa pɛ́mma ai n̄ wéte bīilea. 24 Ās kàzurinɔ kú zaa bīi musume, ben ās kà fà n gbēnɔ té tɔɔte ās n gbēkenɔ dèdɛ. N zòbleri Uria, Iti borii gà se. 25 Ben Dauda bè z̄iri pìne: N̄ o Yoabune àton tó yā pì à nòse yakaro. Wèḡs̄ d̄s̄ gbē kè z̄i é n̄ blero. À z̄i ká wéte pìo k̄n gbāaao à kaate. N̄ à gba swè lɛ. 26 Kè Uria nās mà a zā gà, à ɔɔ d̀. 27 Kè wà gè kè wà yāa, Dauda gbēnɔ z̄i ās sùo a bɛ, ben à ḡs̄ à nɔɔ ũ. À né ìo ḡs̄gbē ũ, ben yā kè Dauda kè pì kè Diine zaa.

## 12

### *Annabi Natā kpākēna Daudazi*

1 Dii Natā z̄i Daudaa. Kè à kà, à bène: Ḡs̄gbē ḡs̄n plaa kenɔ bé wà kú wéte ke guu, gbē doo né auzikideeme, gbē doo sɔ takaasideeme. 2 Auzikidee pì s̄anɔ k̄n z̄unɔ vī paripari, 3 takaasidee pì sɔ p̄oke vīro, s̄a núnu néngo mèn doken à lù. Ben à dàto ai à bítà kù à bɛ k̄n à n̄nɔ. Ās̄eḡs̄ p̄ó d̄n̄k̄s̄ blee ās̄eḡs̄ í mii ta d̄n̄k̄n, é d̄aɛ à p̄ote, ben èè à gwaa lán a z̄inda n̄n̄okpare bà. 4 Kè nibɔ p̄ita auzikidee p̄ia, ben èè we à s̄aa ke zù kù a kp̄asa guu à nibɔ p̄i yàari k̄oro. Takaasidee s̄a núnu néngo p̄in à s̄ia à a nibɔ p̄i yàari k̄eo. 5 Ben Dauda p̄o f̄è auzikidee p̄i yā musu maamaa, à bè Natāne: K̄n Dii kuunao, à k̄s̄ s̄io wà gbē kè yā pì kè

deme. <sup>6</sup> Kè à kè le, èe à wēnda gwaro, ēndē à sãa pì fīa bo leo siigō. <sup>7</sup> Ben Natā bè Daudanē: Mbe adee pì ũ. Dii Isarailinō Luda bé à yā kè ò à bè: Ma n ka Isarailinō kí ũ, ma n bō Solu ɔzĩ, <sup>8</sup> ben ma n dii pì bēe kpàmma, ma à nɔɔnɔ nànnē n ɔzĩ. Ma Isarailinō kōn Yudanō kpàmma n gbēnō ũ. Tó beeenō kēm̄ma néngo yā, le mà à pāndenō kaarannē dō. <sup>9</sup> Bóyānzi n kya kà ma yānzi? N yā kè má yeziroo kè, n Iti bori Uria dè kōn fēdaao, n à nɔɔ sĩa n sè. N tó Amōninō à dè zĩ guu. <sup>10</sup> Zaa gbàa yā pāsĩ é kē n bēea ziki dōro, zaake n kya kāmāgu, n Iti bori Uria nɔɔ sĩa n sè. <sup>11</sup> Ben Dii èara à yā kè ò dō à bè: N ma! Mé tó n zīnda bēdeenō mōnzi kennē. Mé n nɔɔnɔ sīm̄ma mà n kpá n gbēdaa kea n wáa, eé daēnyo gupuraa. <sup>12</sup> N yā pì kè asii guumē. Mapi sō mé yā pì kennē gupuraa Isarailinō wáa n pín̄gi.

<sup>13</sup> Ben Dauda bè Natānē: Ma durun kè Diinē. Ben Natā bènē: Dii n durun kēm̄ma, né garo. <sup>14</sup> Mōde lán n dōke Diio maamaa nà kōn yā pì kenao, bee yānzi négōgbē kè nɔgbē pì ìnyo é gamē. <sup>15</sup> Kè Natā tà bē, ben Dii tò né kè Uria naō ì kōn Daudao pì gyā kù. <sup>16</sup> Ben Dauda e kúe kēe Ludanē né pì yā musu kōn léyinao, gwāavĩ è dae tɔtēme. <sup>17</sup> À bē gbēnsinō ègō zēàla le aō à fēe tɔtē, mōde è weziro, è pó bleńyoro. <sup>18</sup> À gurō swēēplaadee zīn né pì gà. Vĩa Dauda ìbanō kù, aōe f̄s wà ònē kè né pì gāro. Aō bè: Gurō kè né pì kuu, wa yā ònē, èe wa yā maro. Dian wé onē nà sa kè né pì gà? Eé yā zaa ke. <sup>19</sup> Dauda è a ìbanō e yā kpāi ookōnē, ben a dō kè né pì gamē. À n lā à bè: Né pì gàn yó? Ben aō wēàla wà bè: Ee! À gamē. <sup>20</sup> Dauda fēe tɔtē à zú ò, à nōsi kèawa à

a pókāsāano liε, ben à gàa à kùε Diine a kpén. Kè à èara à tà bε, à pòbleε gbèka, ben wà kpàa à blè. <sup>21</sup> À ibanò à là wà bè: À kè dia née yā keε leε? Guròò kè né pì kuu, n lé yì n óò dò. Kè à gà sa, n fεε n pò blè. <sup>22</sup> À wèñla à bè: Guròò kè né pì kuu, ma lé yì ma óò dò, zaake ma bè, ke Dii é ma wènda gwa à tó né pì gō kuu gwεε, dé bé à dōò? <sup>23</sup> Lán à gà nà sa, bóyānzin mégō léyinazi dōò? Mé fō mà à vun yó? Mé gá à kiiame, mode eé èara à su ma kiiaro.

<sup>24</sup> Dauda a naō Baseba làakari kpàεne, ben à gàa à dàεo. À né ì gōgbē ũ, ben à tó kpàne Sulemanu. Dii yezi, <sup>25</sup> ben à annabi Natā zīa à tó kpà né pìne Yedidia Dii yenzi pì yānzi.

### *Raba sina Amōninò*

<sup>26</sup> Ai tia Yoabu kpé e zī kaa kōn Amōninò zaa Raba, ben à kíbεε sì. <sup>27</sup> Ben à gbēno zī Daudaa à bè: Ma zī kà kōn Rabadeeno, ben ma n ítokii sìrma. <sup>28</sup> N zīkpe kpaano kakōa sa, n mó n liga wéte pìzi n sí. Tó lenlo, mé sí, weé ma tó kpáne. <sup>29</sup> Ben Dauda zīkpeeno kākōa n píngi, à gàa à lèε Rabaa à sì. <sup>30</sup> Wà n kína vura fùra gò wà kù Daudane. À tiisi kà kiloo baaakuri, bensō gbè bèεdee kúa. À wéte pì pónò nākōa maamaa, <sup>31</sup> ben à gbē kè aōò kú gweenò kùkù à b̀ènyo, à n dá sagasigi zīin kōn diga zīio kōn kpása zīio, bensō à tò aō kúnku b̀ò. Len à kè Amōni wétenone le píngi, ben à èara à tà Yerusalemu kōn a zīkpeeno n píngi.

## 13

*Aminò yena a dàre Tamazi*

<sup>1</sup> Beee gbera Dauda né Abusalomu dāre maaa vī, à tón Tama, ben Dauda né Aminɔ yezi. <sup>2</sup> Yā pì e ìa daa Aminɔ pì aì à kà gyākɛna a dāre Tama pì yānzi, zaakɛ à gōgbē dōro, eé fō à yāke kɛnɛro. <sup>3</sup> Aminɔ gbēnna ke vī, à tón Yonadabu, Dauda vīi Simɛa némɛ. Yonadabu ɔndō gbāa, <sup>4</sup> ben à Aminɔ là à bè: À kè dia n kínɛ'ina n mè ègō busana lán guu e dɔɔ nà lɛɛ? Né omɛroo? Ben Aminɔ wèàla à bè: Má ye ma dāaro Abusalomu dāre Tamazimɛ. <sup>5</sup> Ben Yonadabu bènɛ: Ì gá ì daɛ n gádo a lán gyāreen n ũu bà. Tó n de mò n gwa, ì onɛ ñ yezi n dāre Tama mó à pòblee kpámma. À mó à kɛkɛ n wáa lɛ n wéɛ gō ee, gbasa à nannɛ n ɔzī. <sup>6</sup> Ben Aminɔ dàɛ lán gyāree bà. Kè kí mò à gwa, ben à bènɛ: Ì tó ma dāre Tama mó à kàra kɛmɛ ma wáa, à kpáma kōn a ɔɔo. <sup>7</sup> Ben Dauda gbē zī Tamaa a bɛ à bè: Ì gá n vīi Aminɔ kpén ì pòblee kɛnɛ. <sup>8</sup> Kè Tama gè à kpén, à à lè daɛna, ben à wísiti yà à kàra kàsao à wáa. <sup>9</sup> Ben à taa sè à kàra pì kànnɛ. Aminɔ gì sózi à bè: Ì pé gbēnɔa aɔ bɔɛ ñ píngi. Kè gbē kè aɔ kúonɔ bòɛ ñ píngi, <sup>10</sup> ben à bè Tamane: Ì mó kōn pòblee pìo kpéne guu kè ì kpáma. Ben Tama kàra kè à kè sè à gèo a vīi Aminɔ pì kiia kpéne guu. <sup>11</sup> Kè à sòzi, èe mɔɔ kpáa à só, ben à a dāre pì kù à bè: Ì tó mà daɛnyo.

<sup>12</sup> Ben à bè a vīi pìne: Auo! Ìnton gbāa mómɛro. Zaakɛ wa Isarailinɔ wèè yā beee taka kɛro. Ìnton yā dōrosai beee taka kɛmɛro. <sup>13</sup> Mé gē máme kōn wiyā beeeo? Mmɔn sō, Isarailinɔ é n diɛ gbē pāa ũ. Ì sùu kɛ! Ì yā o kínɛ, eé gí ma kpámmaziro. <sup>14</sup> Èe we à à yā màro. À gbāa mònɛ, ben à kùsia à dàɛo. <sup>15</sup> Ben



Amino zàn pāsīpāsī. Zangu kè à sè kōn Tama pìo de yenzi kè à vīo yāala. Ben à bène: Ñ fεε ñ bɔ. <sup>16</sup> Ben nɔgbē pì bè a vīi pìnε: Auo! N pεnama taari bíta de pɔ kè ñ kèμεεla. Baa kōn beeeo èe we à à yā màro. <sup>17</sup> Ben Amino a zīkeri gɔkparε sisi à bè: Ñ pé nɔgbē kèa à bɔμε ma kpén, ñ gbà tata ñ à m̀nε ká. <sup>18</sup> Ben à zīkeri pì à sè à b̀o bàazi, à gbà tàta à à m̀nε kà. Nɔgbē pì uta gbàa dana, zaake uta beee takan kí nénɔkparε leziino ègɔ dana. <sup>19</sup> Ben Tama túbu gbè a mia, à a uta gbàa kè à dana pì gà à kè à ɔ dì a musu, èe ɔɔ èe taa.

<sup>20</sup> À dāgɔ dadɔnkɔde Abusalomu bène: N dāgɔ Amino dàenyon yɔ? Ñton o gbēke maro, zaake n dāgɔμε. Ñtongɔ yā pì kūna n swè guuro. Ben Tama vèe a dāgɔ Abusalomu be ǹseo yakana. <sup>21</sup> Kè kí Dauda yā pì mà, à pɔ fè maamaa. <sup>22</sup> Abusalomu e yāke o Aminonero, yā zaaa ke à maaa. À zàn, kè à k̀si a dāre Tamaa yānzi.

### *Amino dena*

<sup>23</sup> Wè plaa gbera Abusalomu kú Baali Azo, Eflaimu bùsu lén kōn a sākākēerinɔ, ben à kína néno sisi pɔnna p̀bleea ñ píngi. <sup>24</sup> Ben à gàa à kí lè à bè: Kí, wèe mamoma n z̀bleri sãano kã kēεε. Mpi kōn n ibanɔ é t́maziroo? <sup>25</sup> Ben kí wè a né p̀la à bè: Auo! Wé fɔ wà gá wa píngiro. Wé kenne asoo ũ. À nāk̀rea, m̀de èe gáro, ben à sa maaa ònε. <sup>26</sup> Ben Abusalomu bè: Tó né gáro, ñ tó ma vīi Amino gáwao. Kí à là à bè: B́yānzi ñ yezi à gányozi? <sup>27</sup> Abusalomu nāk̀rea, ben kí tò Amino g̀ao kōn a né kpaaano ñ píngi.

<sup>28</sup> Abusalomu yã diè a gbẽnɔne à bè: À swã kpá! Tó í Aminɔ kù, tó má òare à à zõ, à à de. Àton tó vĩa a kũro. Mámbe ma a dan! À ze gbãa à gõgbẽkee ke. <sup>29</sup> Abusalomu gbẽnɔ kè lán à diéinne nà aõ à dè, ben kína né kpaaano fêe wà dì n bāagāsõnɔ kpere aõ bàà lè. <sup>30</sup> Gurɔ kè aõ té zén, Dauda à baaru mà wà bè: Abusalomu kí nénɔ dède n píngi, aõ gbẽkee e gõro. <sup>31</sup> Dauda fêe à a pókāsāano gà à kè, ben à dàe tɔɔte. À ìba kè aõ zezezinɔ n pókāsāano gà wà kèkè se. <sup>32</sup> Ben Dauda vìi Simèa né Yonadabu bè: Baa, òtongõ daa wà n né gõkpareno dède píngiro, Aminɔ ado bé à gà. Wà yã pì dè Abusalomu wéèa zaa gurɔ kè Aminɔ kùsi a dāre Tamaame. <sup>33</sup> Ma dii kí, òtongõ yã pì kũna n nòse guuro. N négõgbẽnɔ e gaga píngiro, séde Aminɔ ado. <sup>34</sup> Abusalomu sɔ bàà lè.

Kè gõkpare gudākpari wéè zù, à è wà té Oronaimu zén sīsīgezi paripari. À gà à bè kine: Ma gbẽnɔ è té sīsīgezi Oronaimu kpa. <sup>35</sup> Ben Yonadabu bè kine: N éò? N nénɔ bé aõse suu gwe lán má ònne nà. <sup>36</sup> Kè à yã pì ò à yàa, ben kína né pino kà gõ, aõse sósobi ɔɔ dɔɔ. Kí kōn a ìbano ɔɔ dè n píngi maamaa dɔ.

<sup>37</sup> Abusalomu bàà lè à tà Amiudu né Talamai, Gesuu kína kiia. Kí Dauda sɔ ègõ a né ga ɔɔ dɔɔ gurɔ píngi. <sup>38</sup> Kè Abusalomu bàà lè à tà Gesuu, à kú gwe ai wè aagõ. <sup>39</sup> Kè kí Dauda nòse kpàe Aminɔ ga yã musu, ben èe Abusalomu bege kee sa.

## 14

### *Abusalomu suna Yerusalemu*

<sup>1</sup> Zeruya né Yoabu dɔ̀ kè kí pɔ̀ kpé kú Abusalomua, <sup>2</sup> ben à gbɛ̀nɔ̀ zì Tekoa, aɔ̀ nɔ̀gbɛ̀ ɔ̀ndɔ̀de ke sè wà sùo. Ben à bènɛ: Ñ kɛ̀ lándɔ̀ nɛ́e sósobi kɛɛ̀ bà. Ñ gyaanɔ̀ pókásāanɔ̀ da. Ñton nósi kemmaro. Ñ kɛ̀ lán nɔ̀gbɛ̀ kè à gbɛ̀ gà, èe à ɔ̀ ɔ̀ ɔ̀ à gí kè bà. <sup>3</sup> Ñ gá kí kiia lɛ, ñ yā kè onɛ. Ben Yoabu yā kàka nɔ̀gbɛ̀ pìnɛ. <sup>4</sup> Kè Tekoa nɔ̀gbɛ̀ pì gàa à kí lè, à kùenɛ à mì pèenɛ à bè: Kí, ñ ma mì sí! <sup>5</sup> Ben kí pì à là à bè: Bón ní yezi? À wèàla à bè: Gyaanɔ̀n ma ũ, ma zā gà. <sup>6</sup> Mamɔ̀ma n zòbleri, má nɛ̀gɔ̀gbɛ̀nɔ̀ vī gɔ̀n plaa. Kè aɔ̀ɔ̀e swèe kɛɛ̀ ní kɔ̀ tɛɛ̀ bura, gbɛ̀kee kuu à ní yokɔ̀aro. Ben gbɛ̀ doo a gbɛ̀ndoo lè à dè. <sup>7</sup> Ben ma bɛ̀deenɔ̀ fɛɛ̀ ní píngi, aɔ̀ bè mamɔ̀ma n zòblerinɛ̀ mà ma né kè à a gbɛ̀ndoo dè pì kpámma wà dɛ, kè à a gbɛ̀ndoo dè yānzi. Aɔ̀ yezi wà yàka témio kè gòme túbibleri ũu pì té demɛ, lɛ ma zā tóngɔ̀ tó ke borii vī anduna guu ɔ̀ro yānzi. <sup>8</sup> Ben kí bè nɔ̀gbɛ̀ pìnɛ: Ñ tá be, mé yā diɛ n yā pì musu. <sup>9</sup> Ben Tekoa nɔ̀gbɛ̀ pì bè: Ma dii kí, taari pì wí ma musu kɔ̀n ma de bɛ̀deenɔ̀, mpi ñgɔ̀ kuu taari sai kɔ̀n n kíkɛɛ̀o. <sup>10</sup> Ben kí bè: Tó gbɛ̀ke lé pà yā pì, ñ mɔ̀o ma kiia kè, eé n lé wɛ̀tɛ̀o ɔ̀ro. <sup>11</sup> Ben nɔ̀gbɛ̀ pì bè: Kí, ñ lé gbɛ̀ kɔ̀n Dii n Luda tóo, lɛ gɛ̀ɛ̀bori tón ma né doo kè gò laata kpáro yānzi. Ben kí pì bè: Kɔ̀n Diio n né pì mìkã ke é léɛ̀ tɔ̀tɛ̀ro. <sup>12</sup> Ben nɔ̀gbɛ̀ pì bè: Ma dii kí, mamɔ̀ma n zòbleri ñ ma gba zé mà ɛ̀ara mà yā onnɛ. À wèàla à bè: Ñ o! <sup>13</sup> Ben à bènɛ: À kè dia nɛ́e Luda gbɛ̀nɔ̀ kpákpa kɔ̀n à zaaa? Yā kè ní òmɛɛ̀ bé à n da yān, zaake nɛ́e gbɛ̀ kè n pɛ̀a gbɛ̀ɛ̀ n suoro. <sup>14</sup> Wa píngi wé ga, wégɔ̀ dɛ̀ lán í kè kwèɛ̀ tɔ̀tɛ̀ gbɛ̀kee e e à sɛ̀ɛ̀ ɔ̀roo bà. Luda è gbɛ̀ kè wà pèa wèndi ɔ̀ro, è zé wɛ̀tɛ̀ adee ɛ̀ara à suawamɛ. <sup>15</sup> Ma

mɔ yā pì o ma dii kìneme, zaake gbēnɔ̀ tò vĩa ma kũ. Ben mamɔma n zòbleri ma bè mé yā pì gbānne. Wègɔ̀ dɔ̀ro ke né ma wéekena sí <sup>16</sup> n ma bɔ̀ gbē kè yezi à mapi kɔ̀n ma néo tɔ̀te kè Ludaa tòwe sí wa ɔ̀zĩ. <sup>17</sup> Ma dii kí, mamɔma n zòbleri ma bè n yā é tó ma làakari kpáe, zaake n de lán Luda malaika bàme, nè swā kpá yā maa kɔ̀n a zaaazi pínɡime. Dii n Luda gɔ̀ kúnyo.

<sup>18</sup> Ben kí bène: Nton gí yā kè mée n laa oziro. Ben nɔ̀gbē pì bè: N̄ o ma dii kí! <sup>19</sup> Ben kí à là à bè: Yoabu lé kú yā pì guuó? Nɔ̀gbē pì wèàla à bè: Ma dii kí, kɔ̀n n kuunao yā kè n̄ ɔ̀ pì gagana vĩro. Ee, n zòbleri Yoabu bé à yā pì kàkame pínɡi. <sup>20</sup> N zòbleri Yoabu kè le, le à e à yā kè logona tiaa kè keke yānzime. Ma dii, n̄ ɔ̀ndɔ̀ lán Luda malaika bàme, n̄ yā kè kè anduna guu dɔ̀ pínɡi. <sup>21</sup> Ben kí gàa à bè Yoabune: Tò, mé yā pì ke sa. N̄ gá n̄ gɔ̀kpare Abusalomu gbese n̄ suo. <sup>22</sup> Ben Yoabu kùe kine à mì pèene, à à sáabu kpà à bè: Ma dii kí, mamɔma n zòbleri, má dɔ̀ gbàa sa kè ma yā kànne, zaake n ma yā mà. <sup>23</sup> Ben Yoabu fèe à gàa à Abusalomu gbese zaa Gesuru à sùo Yerusalemu. <sup>24</sup> Ben kí bè: N̄ one à gá vèe a zĩnda be, wa wée é ke siigɔ̀ro. Ben Abusalomu gàa à vèe a be, aɔ̀we wée sikòle kɔ̀n kíoro.

<sup>25</sup> Gɔ̀ maa kee kú Isarailino té lán Abusalomu bàro. Wègɔ̀ à maake yā oo maamaa. Sena zaa à kèsea ai à gàa pé à mìdangura see kee kúaro. <sup>26</sup> Ègɔ̀ a mì boo wè kɔ̀n wèome. È kea tiisi. Tó à bò, è yɔ̀ kilooa, à tiisi ègɔ̀ de kiloo plaala. <sup>27</sup> À négɔ̀gbēnɔ̀ ì gɔ̀n aagɔ̀ kɔ̀n nénɔ̀gbēo mèn do. Nénɔ̀gbē pì tón Tama. Nɔ̀ maaame. <sup>28</sup> Abusalomu kú Yerusalemu

ai wè plaa wéesina kíle sai.

<sup>29</sup> Ben à Yoabu sìsi à gáare kí kiia, mɔde Yoabu e we à mò à kiiaro. Ben à èara à à sìsi dɔ, èe we à mòro. <sup>30</sup> Ben à bè a zĩkerinɔnɛ: À Yoabu buraa kè kú ma pɔ sae gwa, à nagãa mà. À gá à té sãa. Ben Abusalomu zĩkerinɔ gaa wà té sò Yoabu buraa pía. <sup>31</sup> Ben Yoabu fɛɛ à gaa Abusalomu bɛ, à à là à bè: Bóyãnzɪ n zĩkerinɔ té sò ma buraaazi? <sup>32</sup> Ben Abusalomu wèàla à bè: Ñ gwa, ma gbɛ zĩmma ma bè ñ mó mà n zĩ kía, lɛ ñ à la bó bé à tò à ma gbɛsɛ zaa Gesuru à sùmaozi? Ma kuuna gwee sãɔmɛ de gura kèla! Má yezi mà kɔ e kɔn kíó tia. Tó má taari ke vĩ, èndɛ à ma de. <sup>33</sup> Ben Yoabu gaa à yã pì ò kínɛ. Ben kí Abusalomu sìsi. Kè à mò, à kùenɛ à dàe a puua. Ben kí lé pèa.

## 15

### *Abusalomu bɔna Dauda kpɛ*

<sup>1</sup> Beee gbɛra Abusalomu sɔgoro è a zĩndanɛ kɔn sɔnɔ kɔn gɔgbɛnɔ gɔɔn baplaa akuri kè aɔégɔ bàa lɛɛ à aenɔ. <sup>2</sup> È fɛɛ kɔngɔ idɛ'idɛ àgɔ zɛna bĩile saɛ. Tó gbɛ yã vĩ kɔn a gbɛdaaaɔ èe gaao kí kiia à kekɛnɛ, Abusalomu è adee sìsi à benɛ: Wétɛ kpareen n bɔn? Tó à wèàla à bè: Mamɔma n zòbleri ma bɔ Isaraili borii kè guumɛ, <sup>3</sup> ben Abusalomu è benɛ: N yã nname, bensɔ à zé vĩ, mɔde kí gbɛkee kuu à swã kpá n yãziro. <sup>4</sup> Abusalomu è ɛara à be: Tó wà ma ke yãkpaɛkeri ũ wa bùsun, gbɛ kè yã vĩ ke gbɛ kè èe gbɛ gbekaa yãkpaɛkɛkiia n pĩngi eégae mó ma kiia, mégae à yã kekɛnɛ a zéa. <sup>5</sup> Tó gbɛ mò à kùe à aɛ, è ɔ bɔ à adee kũ à lé péame. <sup>6</sup> Lɛn ègɔ kɛɛ lɛ Isaraili kè

aõe mós yákpae ke kí kiianone ń píngi, ben aõ swè tà à kpa.

<sup>7</sup> Wè siigõ gbera à bè kine: N ma gba zé mà gá lù kè má sè Diine saa o zaa Eblonu. <sup>8</sup> Mamoma n zòbleri ma lù pì sène gurõ kè má kú Gesuru, Siria bùsun ma bè: Tó Dii tò ma su Yerusalemu, mé saa oa Eblonume. <sup>9</sup> Kí bène: N gá n su aafia! Ben à fèe à gaa Eblonu. <sup>10</sup> À gbẽno zì Isaraili boriino kiia píngi à bè: Tó a kuru'õ mà dõ, à be Abusalomu bé à kí blè Eblonu. <sup>11</sup> Gurõ kè èe fèe Yerusalemu à gbẽno sisi gõn wàa do aõ gá zèare, ben aõ gaa kõn nõseo do, aõ yá pì asii dõro. <sup>12</sup> Gurõ kè èe saa oo, à Gilo gbẽ Aitofeli, Dauda lédamari sisi zaa à be wétèn, ben lékpakõsõna Daudazi e kaara. Gbẽ kè aõ kú kõn Abusalomuonõ pari kù wèe kaara.

### *Dauda bàalena*

<sup>13</sup> Baarukpari mò à bè Daudane: Isarailino swè tà Abusalomu kpa. <sup>14</sup> Ben Dauda bè a ìba kè aõ kúao Yerusalemunone: À fèe wà bàa lé. Tó wée ke lero, wé piti Abusalomunlo. Wà ke kpakpaa. Tó wée ke kpakpaaro, eé wa le kè, eé wa ásarú ke, eé wétèdeenõ dèdè kõn fèdaaome. <sup>15</sup> Kí ìbanõ bène: Wa dii kí, yá kè n zèo píngi, wamõwa n zòblerino wá yāaname. <sup>16</sup> Ben kí dà zén. À bèdeenõ bò wà tèzi ń píngi, mòde à a nò yìgisai mèn kurino tò gwe aõgõ bèe gwaa. <sup>17</sup> Kí dà zén lè kõn a gbẽno. Kè aõ kà wète kpee, à liè à zè. <sup>18</sup> Ben à ìbanõ píngi kõn a dogarino kõn Gatadeenõ gõn wàa aagõ kè aõ tézi zaa Gatano gète ń píngi.

<sup>19</sup> Ben kí bè Gata gbẽ Itaine: Býānzi née gaawaozi? N ɛara n tá ñgõ kú kõn kí dufuo, zaake

gbē zītɔn n ũ, n bɔ n b̀summɛ. <sup>20</sup> N suna e gurɔplaa kero, ben n̄ yezi ñgɔ likɔaa zɔɔwaoó? Má d̄s guu kè méε gaanlo. Ñ n gbēnɔ kakɔa ñ tányo. Dii gbēke kɔn náanɛ yāo kennɛ. <sup>21</sup> Ben Itai wèàla à bè: Ma dii kí, kɔn Dii kuunao kɔn n kuunao, guu kè n̄ kún píngi, mamɔma n z̀bleri mégɔ kú gwemɛ, gaan yoo kesɔ wèndi yoo. <sup>22</sup> Ben Dauda bènɛ: Ñ d̄mɛ aε wà gá! Ben Gata gbē Itai èara à dà zén kɔn a gbēnɔ kɔn a danɛ kè aɔɔ kúonɔ n̄ píngi. <sup>23</sup> Kè aɔɔe ḡε zéla n̄ píngi, ben b̀sudeenɔ wiiri s̄n. Kè kí bikù Kidironua, ben aɔ píngi aɔ gbáa zé sè.

<sup>24</sup> Zadɔki kú gwe dɔ kɔn Levinɔ n̄ píngi. Aɔ Luda bà kuunañyo àkpati sena. Aɔ àkpati p̄i diε Abiata saε ai gbēnɔ b̀de wétɛn wà yàa n̄ píngi. <sup>25</sup> Ben kí bè Zadɔkinɛ: Ñ Luda àkpati sé ñ ḡεo wéte guu. Tó ma Dii ma pɔnnaa è, eé tó mà su mà wéε siàle kɔn à kúkii. <sup>26</sup> Tó à bè ma yā e káaguro s̄, ma yāa. À kemɛ lán à kènɛ maa nà. <sup>27</sup> Ben kí èara à bè sa'ori Zadɔkinɛ: Wéεgupu'erin n ũroo? Ñ èara ñ tá wéte guu aafia kɔn n né Aimazao kɔn Abiata né Yonatāo. À tá kɔn a né ḡɔn plaaa p̄nɔ. <sup>28</sup> Mégɔ zena swabikúkiiia s̄te ai mà baaru ma a kiiia. <sup>29</sup> Ben Zadɔki kɔn Abiatao Luda àkpati sè wà tàò Yerusalemu, ben aɔ ḡɔ gwe. <sup>30</sup> Dauda e Kùkpe s̄is̄i k̄u èe s̄ɔ d̄ɔ. À p̄ó kù a mià, à kyatee kpanaro. Gbē kè aɔɔ kúonɔ p̄ó kù n̄ mià n̄ píngi, aɔɔe s̄ɔ d̄ɔ wèe gaao. <sup>31</sup> Kè wà bè Daudanɛ Aitofeli kú gbē kè zè kɔn Abusalomuonɔ té, ben Dauda adua kè à bè: Dii, ñ tó à lédamma ḡɔ de faasaiyā ũ.

<sup>32</sup> Kè Dauda kà s̄is̄i mìs̄ɔnt̄ɛa, guu kè d̄ɔnzik̄ekii kún, Aki gbē Usai mò à dààle, à uta kēna bens̄ɔ

bùsu kú à mià. <sup>33</sup> Dauda bène: Tó n gaamao, négõ demε asoo ũme. <sup>34</sup> Tó n εara n ta wétεn, ben ní bè Abusalomunε à zòblerin n ũ sō, né Aitofeli lédamma gboromεmε. N benε à de zòblerin n ũ yā, mōde tia n gō à zòbleri ũme sa. <sup>35</sup> Sa'orinɔ Zadɔki kɔn Abiatao gō kúnyo gwe. N yā kè ní mà kíbεε tókéíne píngi. <sup>36</sup> Aō né gōɔn plaaanɔ kúnyo gwe, Zadɔki né Aimaza kɔn Abiata né Yonatāo. Tó n yáke mà, n né pínɔ zī aō mó wà omε. <sup>37</sup> Ben Dauda gbēna Usai pì tà, à kà Yerusalemu gurɔ kè Abusalomu e gēε.

## 16

### *Dauda kɔn Zibao kɔn Simεio*

<sup>1</sup> Kè Dauda vī sīsī midangurala féte, à è Mεfibosε begwari Ziba gàari yì zaakinɔne mèn plaa, èe mɔɔ daale. Aō burɛdi sena mèn wàa do kɔn geepi kàrao mèn basɔɔro kɔn kākā kàrao mèn basɔɔro kɔn geepiwēεo tùu do. <sup>2</sup> Ben Dauda Ziba là à bè: Bó bé à tò n mɔ kɔn beεeo? Ziba wèla à bè: Kí, zaakinɔ né n bedeεnɔ pómε aō dia. Burɛdi kɔn kàranɔ né n gbēnɔ póbleemε. Geepiwēε sō, gbē kè aō kpàsa gbáa guunɔ íminamε. <sup>3</sup> Kí à là à bè: N dii kè kè sai dio kú mámε? Ziba wèla à bè: À gō Yerusalemu, zaake èe daa Isarailinɔ a ká a dezi kpatan gbāamε. <sup>4</sup> Ben kí bène: Pó kè Mεfibosε vī píngi gō n pó ũ. Ben Ziba bè: Mée kúε kè! Ma dii kí, n tó mägō n pɔnnaa e le.

<sup>5</sup> Kè kí Dauda sè Bahurimuzi, à è gōgbē ke bò. À tón Simεi, Gera néme. Àmbe bori dōnkō kɔn Solu bedeεnɔ. À bò wéte guu, èe Dauda kaa. <sup>6</sup> Èe kí Dauda kɔn à gbēnɔ gbāgbāa kɔn gbèo, baa kè à



zìkarinɔ kɔn à dogarinɔ kú à ɔplaazi kɔn à ɔzεεzio ń píngi. <sup>7</sup> Èe à sɔsɔ èe bee: Ǹ gá! Ǹ gá! Gbēderi! Pó pá! <sup>8</sup> Dii fīa bònne Solu kè n kí blè à gbèn bēdeeno dēdēna yā yānzi. Dii n bɔ kpatan à n né Abusalomu kàn. Ásarú kèmma sa, zaake gbēderin n ũ. <sup>9</sup> Ben Zeruya né Abisai bè kine: Ma dii kí, à maa gbēε gè kè gɔ n sɔsɔro. Ǹ tó mà gá mà à mì z̄. <sup>10</sup> Ben kí bè: Zeruya nénɔ, bó bé à wa kakɔaa? Tó Dii bé à òne à ma sɔsɔ, ben èe ma sɔsɔ, dé bé eé f̄ à à la à be, b́yānzi èe keε lezi? <sup>11</sup> Ben Dauda ò Abisaine kɔn a ìbanɔ ń píngi à bè: À gwa, ma zīnda né'ina bé èe wεtεε à ma dε, ēndē weé Beyāmi bori kèki né o dɔ? À à tó gwe. Tó Dii bé à bène à ma sɔsɔ, à maame. <sup>12</sup> Wègɔ d̄ro ke Dii é ma nawēakena gwa à fīa bome kɔn à maaao sɔsɔ kè wèe keεε gbāa kè yānzi gwεε. <sup>13</sup> Kè Dauda té zén kɔn a gbēnɔ, Simai té s̄s̄i pānde gεezi, èe à sɔsɔ èe à gbāgbāa kɔn gbèo èe bùsu fāa. <sup>14</sup> Kè kí kɔn a gbē kè aɔ kúonɔ kà swaazi, aɔ kpàsa, ben aɔ kámma bò gwe.

### *Abusalomu kana Yerusalemu*

<sup>15</sup> Abusalomu kà Yerusalemu kɔn Isarailinɔ ń píngi. Aitofeli kúo. <sup>16</sup> Ben Dauda gbēnna Usai, Aki gbē gàa à Abusalomu lè à bène: Luda n d̄ kɔn aafiao Zaaki! Luda n d̄ kɔn aafiao Zaaki! <sup>17</sup> Abusalomu à là à bè: Gbēkεε kè n vī kɔn n gbēnnaon gwe? À kè dia néε gá kɔn n gbēnnaoroo? <sup>18</sup> Usai wèala à bè: Lenlo! Gbē kè Dii sè kɔn gbē kèkiinɔ pón ma ũ. Ma ze kɔn kína kè Isarailinɔ kà pìo. <sup>19</sup> Beee gbera dɔ, dé bé à maa mà zò blenε, n baasiroo? Lán ma zò blè n denε nà, len mé blenne le.

20 Abusalomu bè Aitofeline: À lé dawa. Bón wé kɛɛ? 21 Ben Aitofeli wèàla à bè: N̄ gá ñ daε k̄ɔn n de nɔ yìgisai kè à n̄ tó kè aɔɔε bεε gwaanɔ, le Isarailinɔ e wà d̄ɔ n̄ p̄ngi kè n̄ tò n deε ye n káziro, gb̄ε kè aɔɔ kúnyonɔ gb̄aaa é kaara. 22 Ben wà bisakutaa d̄ɔ Abusalomunε kpé musu, ben à ḡaa à dàε k̄ɔn a de nɔɔ p̄nɔ gwe Isarailinɔ p̄ngi wáa. 23 Gurɔ beeenɔa lé kè Aitofeli è dar̄mma de lán gb̄ε kè yā gb̄eka Ludaa yā bàme. Len Aitofeli lédamma de le Daudanε k̄ɔn Abusalomuo n̄ p̄ngi.

## 17

### *Usai ɔnd̄skena Abusalomunε*

1 Aitofeli bè Abusalomunε: Tó mámbee, mé z̄ikarinɔ sé ḡɔn bɔɔɔ kuri awεεplaa mà péényo Daudazi gwāavīa. 2 Mé léεa gurɔɔ kè à kpàsa à ɔɔ bùsa, mé à fu. À gb̄enɔ é bàa lé n̄ p̄ngi, mé à de ado, 3 mé sunne k̄ɔn gb̄ε p̄nɔ n̄ p̄ngi. Gb̄ε kè n̄εε weteε ñ à deε gaan gb̄ε p̄nɔ suna ũ n̄ p̄ngi. Tó à ḡa, gb̄ε kpaaanɔ é ḡɔ aafia n̄ p̄ngi. 4 Yā p̄i kè Abusalomunε nna k̄ɔn Isaraili gb̄ensinɔ n̄ p̄ngi. 5 Ben Abusalomu bè: Wà Aki gb̄ε Usai sísi d̄ɔ wà ma lán eé o nà se. 6 Kè Usai kà, Abusalomu bène: Lán Aitofeli ò n̄n̄n̄ yè. Wà ke lán à ò n̄n̄n̄ yó? Ke w̄aton ke lero. N̄ è diamε? 7 Usai wèàla à bè: Lé kè Aitofeli dàawa gb̄aa kèkii maaro. 8 N̄ n de d̄ɔ k̄ɔn a gb̄enɔ. Z̄ikari maaanɔn n̄ ũ, aɔɔ p̄āsī lán m̄usu nédandee kè wà à néɔ sia bàme. N de né z̄ikari gb̄aaame, eé we à i gu d̄ɔnk̄ɔn k̄ɔn a gb̄enɔoro. 9 Guu kè à kún tia, eéḡɔ utena gb̄ewεε guu ke gukea. Tó à ḡa à lèε wa gb̄enɔa káaku s̄ɔ, gb̄ε kè à à baaru mà é be, wà z̄i blè Abusalomu z̄ikp̄eenɔame. 10 Baa ḡɔsagb̄aaa kè

wórɔngɔ vī lán músu bànɔ swè é kēngumε, zaake Isarailinɔ dɔ́ ń píngi kè n de né zìkari pāsīme, bensɔ gɔ́sagbāaanɔ kúo. <sup>11</sup> Beee yānzi lédamma yā kè má vīin yè. N̄ Isarailinɔ kakɔanzi ń píngi zaa Dani ai gana Beseba, aɔgɔ pari lán ísiale b̄usu'āatē bà, n̄ dɔ́nne ae zìlan. <sup>12</sup> Wé à le guu kè à kún píngi, wé léεa lán kpíi è kwé tɔɔtea nà. Api kɔn gbē kè aɔ kúonɔ ń píngi, aɔ gbēke é b̄oro. <sup>13</sup> Tó à gà à gè wéte ke guume sɔ́, Isaraili baade píngi é bà sé à gáo gwe, aɔé wéte p̄i kaebɔnɔ gáε wà táo guzuren. Baa à gbè kaso ke, weé e gwe d̄oro. <sup>14</sup> Ben Abusalomu kɔn Isarailinɔ bè ń píngi: Usai lédamma maa de Aitofeli p̄óla. Dii bé à zèo à Aitofeli lédamma maaa p̄i gboro, le à e à Abusalomu ásarú ke yānzi.

<sup>15</sup> Ben Usai ò sa'ori Zadokine kɔn sa'ori Abiatao à bè: Aitofeli lé dà Abusalomua kɔn Isaraili gbēnsinɔ à bè à ke lán kè bà, ben ma lé dàmma ma bè aɔ ke lán kè bà. <sup>16</sup> À gbēnɔ zī kpakpaa aɔ gá wà o Daudane àton i swabikūkiiaro, à bikū kpakpaa, le wàton àp̄i kɔn gbē kè aɔ kúonɔ dúgu z̄oro yānzi. <sup>17</sup> Yonatá kɔn Aimazao kú Enlogeli, zaake aɔé f̄i wà b̄o gupuraa Yerusalemuro. Ben n̄okpare z̄ikeri ke gàa à ònne aɔ gá baaru p̄i kpá kí Daudane. <sup>18</sup> Bensɔ gɔ́kpare ke ń é, ben à gàa à ò Abusalomune. Gɔ́n plaaa p̄inɔ dà zén gɔ́ aɔ gàa gbēke be Bahurimu. Lògɔ kú uan gwe, ben aɔ gèn. <sup>19</sup> Ben b̄edee p̄i naɔ lògɔ p̄i né kpààle à p̄óweε f̄áεa, gbēkee à yā d̄oro. <sup>20</sup> Kè Abusalomu gbēnɔ m̄ò n̄gbē p̄i be aɔ bè: Aimaza kɔn Yonatáo kú máme? À wèníla à bè: Aɔ bikū swa'onea. Aɔ ń wéte, aɔwe ń ero, ben aɔ èara wà tà Yerusalemu. <sup>21</sup> Kè aɔ tà, ben gɔ́n plaaa p̄inɔ b̄òε lògɔ p̄i guu, aɔ gàa

wà bè kí Daudanɛ: Ñ bikū swaaa kpakpaa, zaake Aitofeli n kpakpa kɔ̃n à zaaaomɛ. <sup>22</sup> Dauda dà zén kɔ̃n gbě kè aɔ̃ kúonɔ ñ píngi, aɔ̃ bikù Yodaa. Kè guu dò, aɔ̃ gběkee e gɔ̃ro, aɔ̃ bikù ñ píngi. <sup>23</sup> Kè Aitofeli è wèe zīi ke a lédammaaro, à fɛɛ à gàari yì a zaakine à tà a be wéte. À a be pónɔ nàkɔ̃a, ben à a zīnda lògo à gà, ben wà à vīi a de mirawɛɛn.

<sup>24</sup> Dauda gàa Manaimu, ben Abusalomu bikù Yodaa kɔ̃n Isarailinɔ ñ píngi. <sup>25</sup> Abusalomu Amasa diè zìkpɛɛnɔ gběnsi ũ Yoabu gɛɛ ũ. Amasa né Sumaila bori Yeta néme. À dan Naasa né Abigaili ũ, Yoabu da Zeruya dāaromɛ. <sup>26</sup> Isarailinɔ kɔ̃n Abusalomuo bùra kàe Giliada bùsun.

<sup>27</sup> Kè Dauda kà Manaimu, Naasa né Sobi, Raba wéte kè kú Amɔninɔ bùsun gbě m̀ kɔ̃n Lodeba gbě Amieli né Makio kɔ̃n Rogelimu kè kú Giliada bùsun gbě Bazilaio. <sup>28</sup> Aɔ̃ m̀ kɔ̃n daebɔnɔ kɔ̃n taanɔ kɔ̃n oroonɔ kɔ̃n éseo kɔ̃n nagāao kɔ̃n wísitio kɔ̃n pówɛ kpatanao kɔ̃n bláo kɔ̃n dò pónɔ <sup>29</sup> kɔ̃n zó kɔ̃n zwifāanio kɔ̃n sã nòbɔo kɔ̃n gàsio, aɔ̃ kpà Daudaa kɔ̃n gbě kè aɔ̃ kúonɔ aɔ̃ ble, zaake aɔ̃ bè: Nɔa kɔ̃n ímiio gbě pìnɔ dè gbáan, aɔ̃ kpàsamɛ.

## 18

### *Abusalomu gaa*

<sup>1</sup> Dauda gbě kè aɔ̃ kúonɔ kàkɔ̃a, ben à gběnsinɔ diɛdiɛ gɔ̃on bɔ̃rɔ doodoonɔnɛ kɔ̃n gɔ̃on basɔ̃ɔ̃roonɔ. <sup>2</sup> Ben à a zìkari pìnɔ kpàatete gālì aagɔ̃. À gālì doo nà Zeruya né Yoabune a ɔ̃zī, à doo sɔ̃ Yoabu dāaro Abisai ɔ̃zī, à doo sɔ̃ Gata gbě Itai ɔ̃zī. Ben kí bè a zìkarinɔnɛ: Mámbe mé

dɔare aɛ. <sup>3</sup> Ben gbẽnɔ bè: N̄nton gáro. Tó wa gà wa bàa lè, aɛé wa yá daro. Baa tó wa gbẽ kpadoonɔ gàga, aɛé wa yá daro. Mm̄n̄n̄ aɔ̄e n gwaa de ḡɔ̄n̄ b̄ɔ̄ɔ̄ kurinɔla. N̄ d̄n̄awale wéte guu bé à maa. <sup>4</sup> Ben kí bè̄n̄e: Lán à kèare maa n̄n̄ mé ke. Kí gàa à zè b̄iile sae, ben z̄ikarinɔ b̄e ḡali k̄n̄ ḡalio ḡɔ̄n̄ bas̄ɔ̄ɔ̄roonɔ k̄n̄ ḡɔ̄n̄ b̄ɔ̄ɔ̄ doodonɔ. <sup>5</sup> Ben kí yá dīe Yoabun̄e k̄n̄ Abisaio k̄n̄ Itaio à bè: À ke ḡɔ̄kpare Abusalomun̄e busebuse ma yānzi. Z̄ikarinɔ yā kè kí dīe gb̄ensin̄on̄e Abusalomu yā musu mà n̄ píngi. <sup>6</sup> Z̄ikp̄een̄ɔ b̄e wà gàa lákpen, le wà z̄i ká k̄n̄ Isarailinɔ, ben aɔ̄ s̄ik̄n̄ Eflaimu d̄akon. <sup>7</sup> Dauda z̄ikp̄een̄ɔ z̄i blè Isarailinɔa. Gb̄e kè aɔ̄ gàga z̄i beeean̄ɔ pari, ḡɔ̄n̄ b̄ɔ̄ɔ̄ barome. <sup>8</sup> Z̄i p̄i dà bùsu p̄ila píngi, ben z̄i beea s̄ète gb̄en̄ɔ blè pari de f̄èdaala.

<sup>9</sup> Kè Abusalomu kpàk̄ɔa k̄n̄ Dauda gb̄en̄ɔ, à dina b̄aagās̄ɔ kp̄ee. Ben b̄aagās̄ɔ p̄i gàa gb̄íi lí is̄i ḡan̄ɔ gb̄áru, ben à waa kpà líḡān̄ ḡinḡin, ben à s̄ɔ p̄i ḡè z̄éla, à ḡò logona líḡān̄ gwe. <sup>10</sup> Kè gb̄eke à è, à gàa à bè Yoabun̄e: Ma Abusalomu è kpana líḡān̄. <sup>11</sup> Ben Yoabu bè gb̄e kè baaru p̄i kp̄ān̄e: B̄óɔ? N̄ à ès̄? B̄óyānz̄in̄ n̄é à lé n̄ n̄èziroo? Le yā ma n̄ gba kondogi ɔ̄ m̄èn̄ kuri k̄n̄ z̄ika'asaao. <sup>12</sup> Ben gb̄e p̄i wè Yoabula à bè: Baa tó wà kondogi ɔ̄ wāa s̄ɔ̄roo ȳè wà kà ma ɔ̄n̄, mé f̄ɔ mà ɔ̄ pá kína né p̄īaro, zaake kí yā dīenne k̄n̄ Abisaio k̄n̄ Itaio wa swā mà, à bè wà ke ḡɔ̄kpare Abusalomun̄e busebuse. <sup>13</sup> Tó ma à dè, le ma ásar̄u kè ma z̄indan̄eme. À kee utena kínanero, mm̄n̄n̄ s̄ɔ̄ né zemaoro. <sup>14</sup> Yoabu bè: Mé z̄e mà n̄ d̄a d̄ɔro. Ben à s̄ári s̄onte s̄è m̄èn̄ aaḡɔ, à gàa à

Abusalomu z̄ṣo a swèn gur̄ṣo kè à kpana lígān b̄ē. 15 Ben Yoabu z̄ìkap̄ṣeri ḡṣon kurin̄ṣo ligazi āṣ à dè.

16 Ben Yoabu kuru p̄è à a z̄ìkarin̄ṣo mil̄e bl̄è, ben āṣ kámma b̄ò k̄ṣn p̄ēna Isarailin̄ṣo. 17 Āṣ Abusalomu ḡè s̄è āṣo z̄ù w̄ēe bíta guu lákpen gwe, ben āṣ gb̄è kàk̄ṣaa, à ḡṣò gb̄èdidik̄ṣana bíta ũ. Isarailin̄ṣo s̄ṣ b̄aa l̄è, baade tà a b̄e.

18 Gur̄ṣo kè Abusalomu kuu, à gb̄è p̄ēe a z̄īndan̄e Kína guzuren̄, zaake à bè á néḡṣgb̄ē v̄īro, ben á yezi a tó garo. À a z̄īnda tó kpà gb̄è kè à p̄ēe p̄in̄e, ben w̄è gwe sísi Abusalomu D̄ongup̄ṣo ai k̄ṣn a gb̄āao.

### *Dauda Abusalomu ga baarumana*

19 Zad̄ki né Aimaza bè: Ñ tó mà bàa lé mà gá baaru kpá k̄in̄e, lán Dii yā nnaa kp̄aa nà à à b̄ò a ib̄ēn̄ṣo z̄ī. 20 Ben Yoabu bèn̄e: Né e ñ baaru kpá gb̄āaro, sé gur̄ṣo p̄ānde z̄ī. Gb̄āa p̄ó k̄èkiin̄ né kp̄áro, kè k̄ina né gá yānz̄i. 21 Ben Yoabu bè Etiopia boriin̄e: Ñ gá ñ yā k̄è ñ è o k̄in̄e. Ben Etiopia borii p̄i k̄ùe Yoabun̄e à f̄ēe k̄ṣn bào. 22 Zad̄ki né Aimaza èara à bè Yoabun̄e: Baa à f̄ṣ à k̄e dia, ñ tó mà bàa lé màḡṣo té Etiopia borii p̄i kp̄ēe. Ben Yoabu bèn̄e: Né, b̄óyānz̄in̄ ñ yezi ñ gázi? Baaru p̄i éḡṣo àre ke v̄īn̄nero. 23 Ben Aimaza bè: Baa à f̄ṣ à k̄è dia, má yezi mà gáme. Ben Yoabu bèn̄e: Ñ gá! Ben à bàa l̄è à ḡaa à b̄è swaa sae z̄éó, à Etiopia borii p̄i k̄è.

24 Dauda v̄ēna w̄éte b̄īile gb̄à m̄èn plaaan̄o dagura. Gudákpari òdi b̄īia ai ḡānu p̄i musu. Kè à w̄ēe z̄ù, à gb̄ēke è à té k̄ṣn bào. 25 À lé z̄ù k̄izi à òn̄e. Ben kí bè: Lán à té ado nà, èe m̄ṣo k̄ṣn baaru nnaaome. Kè èe m̄ṣo, à kà k̄ī. 26 Ben gudákpari

pì gbě pānde è dɔ, èe bàa léε. À lé zù zédākparizi à bè: Gbě pāndee té à kpee kǎa kǒn bàò, èe mɔɔ dɔ. Ben kí bè: Èe mɔɔ kǒn baaru nnaaomε se dɔ. <sup>27</sup> Ben gudākpari pì bè: Má è gbě káaku bàalena de lán Zadoki né Aimaza bàalena bà. Ben kí bè: Gbě maaamε, baaru nnaan èe mɔɔɔ. <sup>28</sup> Aimaza lé zù kızı à bè: Aafia kuu! Ben à kùε kine à mì pèε tɔɔtea à bè: Wà Dii n Luda sáabu kpá, à gbě kè aǎ kùε bìimmaano nànnε n ɔzĩ, ma dii kí. <sup>29</sup> Ben kí à là à bè: Gǔkparε Abusalomu kú aafiaoó? Aimaza wèàla à bè: Kè Yoabu e n zòbleri zĩ kǒn mamɔma n zòblerio, má mà zɔka fèε maamaa, mɔde má dɔ tó bó bé à sùro. <sup>30</sup> Kí bè: Ñ ze kpado kè gĩa. Ben à zè gwe.

<sup>31</sup> Kè Etiopia borii sù, à bè: Ma dii kí, ma mɔnnε kǒn baaru nnaaomε. Dii yǎ nnaa kpàmma gbàa, à n bɔ gbě kè aǎ bò n kpee n ɔzĩ. <sup>32</sup> Ben kí à là à bè: Gǔkparε Abusalomu kú aafiaoó? Etiopia borii pì wèàla à bè: Ma dii kí, Luda tó n ibεεnɔ kǒn gbě kè aǎ fèε wèe ĩa daammaano gɔ lán gǔkparε pì bà. <sup>33</sup> Swè kè kín, à didi à gè kpé kè kú gǎnu pì musu, ben à ɔɔ dɔ gwe. Gurɔ kè èe didii gwe à bè: O'o ma né Abusalomu! Ma né Abusalomu! Ma gana n gèε ũu sǎo yǎ! Abusalomu ma né! Ma né!

## 19

### *Yoabu kpákēna Daudazi*

<sup>1</sup> Wà bè Yoabunε: Kí e ɔɔ dɔɔ, èe sósobi keε Abusalomu yǎ musu. <sup>2</sup> Zĩ beea zìkarinɔ zìblena pɔnnaa lì sósobikena ũ, zaake aǎo mà wà bè, kí nòse yàka a né yǎ musu. <sup>3</sup> Zĩ beea zìkarinɔ gè wétεn sòɔɔɔɔɔ lán gbě kè aǎ bàa lè zìlan, wí n kũnɔ bà. <sup>4</sup> Kí

pó kù a wéela, èe sósobi ɔ́ ɔ́ èe bee: O'o ma né Abusalomu! Abusalomu ma né! Ma né!

<sup>5</sup> Ben Yoabu gàa à kí lè kpén à bè: N wí dà n gbēnɔa gbàa. Aɔ n bɔ gbàa kɔn n négɔgbēnɔ kɔn n nénɔgbēnɔ kɔn n naɔnɔ kɔn n nɔ yìgisainɔ. <sup>6</sup> N zangurinɔn ní yeñzi, ben ní za n yenzideenɔn. N òɔɔawe gbàa, kè wamɔwa n zìkpe gbēnsinɔ kɔn wa gbēnɔ wée kánne póke ũro. Má dè sa, tó Abusalomu kuu gbàa, ben wapinɔ wa gaga wa píngi, beee bé eé kenne nna. <sup>7</sup> N fɛɛ n bɔ sa. N gá n yá nnaa o n gbēnɔne. Má sinne kɔn Diio, tó nées gáro, aɔ gbēke é inyo kè gwáavĩaro. Beee é kenne zaa de yá zaaa kè à n le zaa n òwazikegurɔ ai mɔna gbàala. <sup>8</sup> Ben kí fɛɛ à gàa à vèe bìilea. Kè wà ò gbēnɔne kí vèena gānulea, ben aɔ mò wà zè à ae ní píngi.

### *Dauda gbɛɛna*

Isarailinɔ bàa lè, baade tà a be. <sup>9</sup> Isaraili boriinɔ té píngi gbēnɔ e leokpakɔa kee wà bè: Kí wa si wa ibɛɛnɔa à wa bɔ Filisitininɔ ɔzĩ, ben à bàa lè à bɔ wa bùsun Abusalomu yānzi. <sup>10</sup> Wa Abusalomu kpà kpatan, ben à gà zìlan. Bón ée dāa kɔn kína gbɛɛnao ɔɔ?

<sup>11</sup> Kí Dauda gbēnɔ zì sa'ori Zadɔkia kɔn sa'ori Abi-atao à bè: Yā kè Isarailinɔ e oo píngi gè ma swān zaa ma kúkiia kè. À yā kèkii gbeka Yuda gbēnsinɔa à be: Bóyānzi a gɔ kpɛɛ kɔn ma gbɛɛnaozi? <sup>12</sup> Ma gbēnɔ, pó dɔnkɔnɔn wa ũ, wa aru dɔnkɔme. À kè dia a gí kè kɔn ma gbɛɛnao? <sup>13</sup> N o Amasanɛ pó dɔnkɔnɔn wa ũ, wa aru dɔnkɔme. Tó mée tó à gò ma zìkpeɛnɔ gbēnsi ũ Yoabu gbèn zaa gbàaro, Luda yā



keme pāsīpāsī. <sup>14</sup> À yā Yudanɔ swè blè, aɔ lé kè do, ben aɔ lékpāsā kènɛ wà bè: Ñ su kɔn n gbɛnɔ n píngi.

<sup>15</sup> Kí e suu, à kà Yodazi, ben Yudanɔ gaa daàlɛ zaa Giligala, lɛ wà bikũo swaa pìà. <sup>16</sup> Gera né Simeɪ, Bɛyāmi borii kè kú Bahurimu wà à gá da kí Daudalɛ kɔn Yudanɔ. <sup>17</sup> Bɛyāmi boriinɔ kúo gɔɔn wàa sɔɔro. Solu bɛgwari Ziba gaa dɔ kɔn a négɔgbɛ gɔɔn gɛroonɔ kɔn a zíkɛri gɔɔn baroonɔ. Aɔ wà wà kà Yoda léa kí ā, <sup>18</sup> lɛ wà e wà bikũ kɔn kíbɛdeenɔ, aɔ yā kè eé kɛ kine nnaa kɛ yānzi. Ben Gera né Simeɪ dàɛ kí aɛ ai àgɔ gá bikũ Yodaa. <sup>19</sup> À bènɛ: Ma dii, ñton ma taari yā daro. Yā zaaa kè mamɔma n zòbleri má kènɛ gurɔɔ kè n bɔ Yerusalemu tón dɔnguro. Ma dii kí, ñtongɔ yā pì kũna n swè guuro. <sup>20</sup> Mamɔma n zòbleri, má dɔ kè ma durun kè. Yusufu boriinɔ té píngi, mámbe ma dɔrɛnɛ aɛ ma mɔ danlɛ gbāa ma dii kí. <sup>21</sup> Ben Zeruya né Abisai bè: Simeɪ láari bɔ kí kè Dii kàn. Èe ká wà à dɛroo? <sup>22</sup> Ben Dauda bè: Zeruya néɔ, bɔn wa vī kɔo? Á yezi à zé zɔmɛ gbāan yó? Wé gbɛke dɛ Isarailinɔ bɔsun gbāaro, zaake má dɔ gbāa kè mámbe Isarailinɔ kína ũ. <sup>23</sup> Ben kí bè Simeɪnɛ: Né garo. Ben kí la dàɛ.

<sup>24</sup> Solu dio Mefibosɛ gaa da kílɛ. Zaa gurɔɔ kè kí bɔ wéte ai gurɔɔ kè à sù aafia, Mefibosɛ e a gbá pípiro, èe a yīkã zɔzɔro, èe a pónɔ pípiro. <sup>25</sup> Kè à bɔ Yerusalemu à mɔ à dà kílɛ, ben kí à là à bè: Mefibosɛ, à kè dia néɛ gámaoro? <sup>26</sup> À wèàla à bè: Ma dii kí, ma zíkɛri bé à ñndɔɔ kèmazì. Má ònɛ à gàari yime ma zaakinɛ mà dia mà gányo, zaake ɛrɛn ma ũ. <sup>27</sup> Ma dii kí, ben à gaa à mamɔma n zòbleri yàka n kiia. Ma dii kí n dɛ lán Luda malaika

bàme. Ì kẹ lán à kènne maa nà. <sup>28</sup> Ma dii kí, à de yā n ma de bẹdeenᵒ dède ní pínghi, ben n mamᵒma n zòbleri baka kàkᵒᵗa kᵒn n gbē kẹ aᵒḗ pᵒ ble lẹdoonᵒ. Má zé vī mà kúe ke kenne dᵒro. <sup>29</sup> Ben kí bènè: Yā kpareen né o dᵒᵒ? Má diẹ kẹ mpi kᵒn Zibao, à tᵒᵒᵗe kpaatekᵒneme. <sup>30</sup> Ben Mefibose bè kine: Ma dii kí, zaake n su be aafia, ì tó à sé pínghi.

<sup>31</sup> Giliada bùsu gbē Bazilai bᵒ Rogelimu à gàa ze kine ai Yoda baa kāa kpa. <sup>32</sup> Bazilai zi kù maama, à kà wè basiigᵒ. À kí yàari kẹ gurᵒᵒ kẹ à kú Manaimu, zaake auzikide bítame. <sup>33</sup> Ben kí bènè: Ì bikūmao, mé n gwa ma be zaa Yerusalemu. <sup>34</sup> Bazilai wèàla à bè: Wè ùgba bé à gᵒme anduna guu kẹ mà tányo Yerusalemu? <sup>35</sup> Ma ka wè basiigᵒ kò. Má pᵒ maa kᵒn à zaaao dᵒkᵒzi dᵒᵒ? Mamᵒma n zòbleri mé fᵒ mà pᵒblena ke pᵒmina nnaa ma dᵒᵒ? Mé gᵒgbē ke nᵒgbē lèsirinᵒ kòto ma dᵒᵒ? Ma dii kí, ì tó mà asoo lagonne. <sup>36</sup> Mamᵒma n zòbleri wé Yoda bikū lẹdo, mà zenne kīkī gwe. À kẹ dia ní yezi ì fīa bomε lεε? <sup>37</sup> Mamᵒma n zòbleri, ì tó mà εara mà tá ma be wéte, lε gaa tón ma sé màgᵒ zà kᵒn ma de kᵒn ma da miraoro. Ì ma né n zòbleri Kimamu gwa kẹ. Ma dii kí, ì tó à bikūnyo. Ì kene lán à kènne maa nà. <sup>38</sup> Ben kí bè: Kimamu é bikūmao. Mé yā kẹ à kènne maa kene, yā kẹ ní gbèkama sᵒ pínghi mé kenne.

<sup>39</sup> Baade pínghi bikù Yodaa, ben kí bikù. Kí lé pè Bazilaia à sa maaa òne, ben Bazilai èara à tà a be. <sup>40</sup> Kẹ kí bikù à gàa Giligala, Kimamu bikù.

Yuda zikarinᵒ ní pínghi kᵒn Isaraili zikari kpadoonᵒ kí bikù. <sup>41</sup> Ben Isaraili bori pínghi mò

wà kí lè aǝ bènɛ: À kè dia wa gbɛ Yudanɔ bikùao kpáì, mmɔn kɔn n bɛdeenɔ kɔn n gbɛnɔ pínɡii?  
 42 Ben Yudanɔ wèńla wà bè: Kè kí de wa danɛ ù yánzime. Bóyánzi yá beee kèare zaazi? Wée kí kúsáɛ blero, wée à póke sí wa pó ũro. 43 Ben Isarailinɔ bè Yudanɔnɛ: Zaake wa bori leo kurime, wa baka kú kɔn kí Daudao de a pólá. Bóyánzi a wa diɛ futazi lɛɛ? Wámbe wa kí gbɛsena yá ò káakuroo? Mɔde Yudanɔ wena pásì de Isarailinɔ pólá.

## 20

### *Seba bɔna Dauda kpɛɛ*

1 Gaabude ke bé à kú gwe, à tón Seba, Bikiri né, Bɛyámi boriime. Ben à kuru pè à bè:  
 Wa baka kakɔana kɔn Daudaoro,  
 wa bà kú kɔn Yɛsɛ néoro,  
 a Isarailinɔ, a baade tá a bɛ.

2 Ben Isarailinɔ kè Daudaa n pínɡi aǝ gàa wà nà Bikiri né Sebaa, mɔde Yudanɔ zè kɔn n kío bɔna zaa Yodazi ai Yerusalemu. 3 Kè Dauda sù a bɛ Yerusalemu, à a nɔ yìɡisai ɡɔɔn kuri kè à tò aǝɔe bɛɛ gwaanɔ sè à n ká kpén wàɡɔ n dákpaá. Dauda n gwá, mɔde èe daɛńyo dɔro. Wà n káka kpén gyaanɔnɔ ũme ai aǝ gàa wà gàgao.

4 Ben kí bè Amasanɛ: N̄ Yuda zìkpɛɛnɔ sísi aǝ kakɔamazi gurɔ aagɔɔ dagura. Mmɔn sɔ, néɡɔ kú kème. 5 Amasa gàa à Yudanɔ sisi, mɔde à ɡì kè de gurɔ kè kí diɛnela. 6 Ben Dauda bè Abisainɛ: Bikiri né Seba é ña dawa tia de ñaa kè Abusalomu dàwaala. N̄ ma gbɛnɔ sée à péɛzi, lɛ àton sí wéte b̄iideen à piti wa ɔzíro yánzi. 7 Ben Yoabu gbɛnɔ kɔn kí dákparinɔ kɔn zìkarinɔ n pínɡi wà b̀ɛ Yerusalemu wà pèɛ Bikiri né Sebazì.

<sup>8</sup> Gurɔɔ kè aɔɔ kú gbè gbèntɛ kè kú Gibiɔ sae, ben Amasa mò dańɛ. Yoabu zika'uta dana, à fɛɛ dɔna à pii. Kè à sɔ Amasazi, à fɛɛ pì wòto a kpéɛn <sup>9</sup> à bène: Ma gbɛ, ń aafiaɔ? Ben à Amasa kù a létãkaa kɔn a ɔ plaaao lán à yezi à lé péa bà. <sup>10</sup> Amasa e fɛɛ kè kú Yoabu ɔn tàasi káro, ben Yoabu à zɔo a gbɛɛɛn, à nɔaenɔ bɔe à kàe tɔɔɛ. Yoabu e gà à zɔo gɛn plaa dɔro, zaake à gà kò. Ben Yoabu kɔn a dāaro Abisaio pèe Bikiri né Sebazi.

<sup>11</sup> Yoabu ibanɔ doke gò zena Amasala à bè: Gbɛ kè zè kɔn Yoabuo kɔn Daudao, à dɔ Yoabuzi. <sup>12</sup> Aru daa Amasa gèla zédaan, ben zikari kè aɔɔe mɔɔnɔ zè aɔɔe gwaa ń píngi. Kè Yoabu iba pì è gbɛ kè aɔɔe mɔɔ gweenɔ ń píngi wà zè wèe gwaa, ben à Amasa gè gàe à guò zén à diè sɛn, ben à uta kùàla. <sup>13</sup> Kè à gàe à guò zén ɛ, baade píngi bò à tɛ Yoabuzi, ben aɔ Bikiri né Seba gbèɛ.

<sup>14</sup> Seba lili ò Isaraili boriinɔ bùsun píngi ai Abeli Betemaka, ben Beri boriinɔ mò wà kàkɔa wà tɛzi gwe. <sup>15</sup> Yoabunɔ mò wà ligazi zaa Abeli Betemaka. Wà bùsu kàekae wéte bii sae, ben aɔɔe wetɛɛ wà bii pì gboro. <sup>16</sup> Ben nɔgbɛ ɔndɔde ke lé zù zaa wéte guu à bè: À swā kpá! À swā kpá! N̄ o Yoabune à mó kè, mà yā onɛ. <sup>17</sup> Kè Yoabu sɔ nɔgbɛ pìzi, ben à à là à bè: Mbe Yoabu úɔ? À wèàla à bè: Mámbee! Ben à bène: N̄ swā kpá mamɔma n zòbleri yāzi. À bè: Ma swā kpà. <sup>18</sup> Ben nɔgbɛ pì bè: Wè be yā, n̄ yā gbeka Abelideenɔa, yā e à mì dɛ. <sup>19</sup> Wá kuu yáketɛ sai Isaraili gbɛ náanɛdeenɔ ũ, ben nɛe wetɛɛ n̄ Isaraili wéte tódee kè kaateɔ? Bóyānzi ń yezi n̄ Dii wéte dezi? <sup>20</sup> Yoabu wèàla à bè: Agya! Lenlo! Má yezi mà a

dɛdɛro. Má yezi mà a wéte kaatero. <sup>21</sup> Lenlo! Gbē kè wè sísi Bikiri né Sɛba, Eflaimu boriinɔ̀ bùsu sìsìde gbē bé à fèe kí Daudazi. À gbē mèn doo pì kpáma, mé go a wétela. Ben nɔ̀gbē pì bène: Ñ ma! Weé à mì zunne zaa bīi musu.

<sup>22</sup> Nɔ̀gbē pì gaa à a gbēnɔ̀ lè kɔ̀n a ɔ̀ndɔ̀keyaɔ̀, ben wà Bikiri né Sɛba mì zɔ̀ wà zù Yoabunɛ. Yoabu kuru pè, ben wà fàakɔ̀a, wà wéte pì tò gwe. Baade tà a be, ben Yoabu pì tà kí kiia Yerusalemu.

### *Dauda ibanɔ̀*

<sup>23</sup> Yoabun Isaraili zìkpɛnɔ̀ píngi gbēnsi ũ. Yoyada né Benayan dogarinɔ̀ gbēnsi ũ. <sup>24</sup> Adoniramu bé zɔ̀nɔ̀ gbēnsi ũ. Ailudi né Yosafatan baarukpari ũ. <sup>25</sup> Sevan takadakēri ũ. Zadoki kɔ̀n Abiataon sa'orikinɔ̀ ũ. <sup>26</sup> Yairi gbē Iran Dauda kpàasi ũ.

## 21

### *Gēbona Gibiɔ̀deenɔ̀*

<sup>1</sup> Dekaa kuu Dauda gurɔ̀a, à gí kè ai wè aagɔ̀. Dauda Dii wéɛ wète, ben Dii bè: Solu yānzime. Gbēdeyā wì à beɛ musu, kè à Gibiɔ̀deenɔ̀ dède yānzi.

<sup>2</sup> Ben kí Gibiɔ̀deenɔ̀ sìsi, à yā ònne. Gibiɔ̀deenɔ̀ de Isarailinɔ̀ ũro, Amɔ̀ri borii kè gònɔ̀me. Isarailinɔ̀ la dàinne yā wà bè weé ñ dɛdɛro, ben Solu wète à ñ laata kpá a aĩakɛna Isarailinɔ̀ne kɔ̀n Yudanɔ̀ yānzi. <sup>3</sup> Ben Dauda Gibiɔ̀deenɔ̀ là à bè: Bón á yezi mà kearee? Mé agbaa kpáare diamɛ, le à e à Dii gbēnɔ̀ sáabu kpáa? <sup>4</sup> Aɔ̀ wèàla wà bè: Wá zé vī wà kondogi ke vura gbeka Solua ke a bɛdeeanɔ̀ro, bensɔ̀ wá zé vī wà Isaraili gbēke dero. Ben Dauda ñ lá à bè: Ée bee diamɛ? Bón mé kearee? <sup>5</sup> Aɔ̀ wèàla wà bè: Gbē kè à wa dɛdɛ à lé kpàkɔ̀sɔ̀wazi à wa yāa

le à e à wa borii bɔ Isarailinɔ guu yānzi, <sup>6</sup> tó wà à bori gɔgbɛ mèn swεεplaaanɔ kpáwa, wé n logo lía Dii ae Gibea, kí Solu kè Dii kà pì be wéten. Ben kí bè: Mé n kpáawa. <sup>7</sup> Kí e Yonatā né Mefibose, Solu dio kpám̄maro, lé kè aɔɔ kè Diia lɛdo kɔn Yonatāo yānzi. <sup>8</sup> À négɔgbɛ gɔɔn plaaa kè Aya nénɔgbɛ Rizipa ì kɔn Soluo sè. Aɔ tón yè: Aamoni kɔn Mefiboseo. À négɔgbɛ gɔɔn sɔɔroo kè Solu nénɔgbɛ Meraba ì kɔn Mɛɔla gbɛ Bazilai né Adielionɔ sè dɔ. <sup>9</sup> À n ná Gibiɔdeenɔne n ɔzĩ, ben aɔ n logo lía sìsĩ musu Dii ae. Gɔɔn swεεplaaa pìnɔ gà lɛdome, wà n dɛdɛ pò dúfu kekeguro.

<sup>10</sup> Aya né Rizipa pɔsia utanɔ sè à kpàe a zĩdane gbèa gwe. Zaa pò dúfu kekeguro ai lou gàa à gè pìnɔ gbè, ègɔ gii bāanɔne aɔ zɔm̄ma fāantē, ègɔ gii sète nòbɔnɔne aɔ sɔnzi gwā. <sup>11</sup> Wà yā kè Solu nɔ yigisai pì kè ò Daudane, <sup>12</sup> ben à gàa à Solu kɔn à né Yonatāo wánɔ sèe Yabesi Giliadadeenɔ kiia. À mò à lè wà n gènɔ sèe kpāi Betesā gāale, guu kè Filisitininɔ n logo bīia Solu dɛna Giliboa gbera. <sup>13</sup> Dauda tò wà n gèwa pìnɔ sèe wà tào, wà kàkɔa kɔn gbɛ kè wà n logo pìnɔ gèwanɔ, <sup>14</sup> ben wà v̄i Solu de Kisi miran Zela, Beyāmi boriinɔ b̄usun. Wà yā kè kína diè kè píngi, ben Luda adua kè wà kè Isarailinɔ b̄usu yā musu sìnyo.

### *Gbɛ gbàagbāanɔ dɛdɛna*

<sup>15</sup> Filisitininɔ èara wà zĩ kà kɔn Isarailinɔ dɔ. Dauda kɔn a gbènɔ gàa wà zĩ kànyo. Kè Dauda gbāaa yāa, <sup>16</sup> ben gbɛ gbāanɔ bori Isibi Benɔbu bè é Dauda demε. À mògotē sári t̄isi de kiloo aagɔɔla, à f̄ɛda dufu logona. <sup>17</sup> Ben Zeruya né Abisai d̄àlɛ

à Filisitini pì dè. Ben Dauda gběno la dāne wà bè: Né gáwao zìlan doro, le wa Isarailino fitia tón garo yānzi.

<sup>18</sup> Beee gbera aṣṣe zì kaa kōn Filisitininṅ Gobu, ben Usa gbě Sibekai gbě gbāa borii kè wè sísi Safa dè. <sup>19</sup> Zì èara à fèe kōn Filisitininṅ Gobu do, ben Betelēmu gbě Yairi né Elana Gata gbě Gɔlaya dāaro Lami dè. Lami sári pá de lán bisatāri àsa lí bàme. <sup>20</sup> Kè aṣṣe zì kaaño Gata do, gbě bíta kee kú gwe, à oneno kōn à gbáneno mèn swēedodome, à kè píngi baaasoro dosai. Gbě gbāano boriime do. <sup>21</sup> À kùse bìi Isarailinṅa, ben Dauda v̄ii Simēa né Yonatā à dè. <sup>22</sup> Gṣṣon siigṣṣo p̄ino né Gata gbě gbāano boriinome. Dauda kōn a gběno bé wà ní dede.

## 22

### *Dauda Dii sáabukpana a zìblena yā musu (Saa 18)*

<sup>1</sup> Kè Dii kí Dauda bò Solu kōn à ibee kpaaano ozi, à lè dà kōn Dii tóo <sup>2</sup> à bè: Diin ma gbèsi kōn ma zeki gbāao ũ, ma m̄sirime.

<sup>3</sup> Ma Ludan ma gbèsi ũ, mēè nazi.

Àmbe ma sengbango ũ  
ma m̄siri gbāa kōn ma gulezĩ,  
ma uteki kōn ma b̄kiiio,  
è ma sí gbě p̄asĩnoa.

<sup>4</sup> Dii kà wà à sáabu kpá.  
Mēè à sísi, è ma b̄o ma ibeenṅo ozi.

<sup>5</sup> Góro'ite vl̄ēmao,  
ísṣ kè è ní kaate e ma blee.

<sup>6</sup> Mira bàno lìgamazi,  
gaa takuteε kpàkpame ma ae.

<sup>7</sup> Kè má kú nawēa guu ε, ma Dii sìsi,  
ma wii pè ma Ludazi,  
ben à ma kòto mà zaa a bε,  
ma wiii kà à kiia, à gè à swān.

<sup>8</sup> Tòote lùgaluga à nìgānigā,  
kpiiino dègedege ai n kāsāan.  
Añ lùgaluga kè à pɔ fè yānzi.

<sup>9</sup> Tésukpe bò à yīzī,  
té kè è n kpata bò à lén,  
à yònoo e té keε à ae.

<sup>10</sup> À musu wè à pita,  
lou sìsi à gbá gīzī.

<sup>11</sup> Èe vīaa dina kerubu kpeε,  
èe yàa paa ĩala.

<sup>12</sup> À gusiaa dà a zīndala,  
ludambε sia kù à kúkiila.

<sup>13</sup> Zaa à gakui tékena guu  
lou e pii pāsīpāsī.

<sup>14</sup> Dii pàta zaa musu,  
Luda Musude kòto dɔ lapatana ũ.

<sup>15</sup> À kà fà ma ibεεnoa à n fāakōa,  
à tò lou pìmma à pèmma.

<sup>16</sup> Kè Dii pàtańma,  
kè à pó bò a yīzī,  
ísia tòote bò gupuraaa,  
anduna kāsāa gò kaena pōtē.

<sup>17</sup> À ɔ bò zaa musu à ma kù,  
à ma bɔ swadaa guu.



18 À ma si ma ibεε gbāaa ɔzĩ  
 kɔ̄n ma zanguri kè aɔ gbāaa demalaanɔ.

19 Aɔ lèεma ma mɔ̄nzikεgurɔ,  
 mɔ̄de Dii zèmao.

20 À ma bɔ à ma gba mèporokii,  
 à ma mì sì, kè à yemazi yānzi.

21 Dii yā kèmε ma nɔ̄sε maa lén,  
 à fīa bòmε ma gbāsīsaikε lén.

22 Zaakε má Luda yādiεnanɔ kūna,  
 mée à zaaa kε ma a Luda tònlo.

23 À dokayānɔ ègɔ̄ dɔ̄mε aε pínɡi,  
 mée kpeε li yā kè à diεnɔ̄nεro.

24 Má kuuna taari vī Diinεro,  
 má a zīnda kūna durun sai.

25 Dii fīa bòmε ma nɔ̄sε maa lén,  
 zaakε à è má kuu gbāsī sai.

26 Náanεdeen n ũ náanεdeenɔ̄nε,  
 taarisaidεen n ũ taarisaidεenɔ̄nε.

27 N̄ wásawasa gbē wásawasanɔ̄nε,  
 mɔ̄de nεè íbetε kpá kɔ̄n gbē dɔ̄rɔ̄saidεenɔ̄.

28 Nεè zīndabusarinɔ̄ mì sí,  
 nεè gbē kè aɔ̄è n̄ zīnda sé lezīnɔ̄ sɔ̄ε.

29 Dii, m̄be ma fitia ũ,  
 Dii, nεè ma gusiaa liε gupuraa ũ.

30 Kɔ̄n n gbāaaɔ̄ mé fɔ̄ mà kù kpá karaa,  
 ma Luda gāzī mé fɔ̄ mà vī gūla.

31 Luda kèkii sɔ̄ yākenā bɔ̄εzina,  
 Dii yā see vīro, à wásawasa,  
 à dε sengbango ũ gbē kè aɔ̄ nàzinɔ̄nε.

32 Dii baasiro, dén Luda ũu?  
 Wa Luda baasiro, dén gbèsi ũu?

33 Luda bé è ma gba gbãaa,  
àmbe è zé poromé súusu.

34 È tó ma gbá kái gǔ nna lán zǐ pǒ bà,  
è tó màgǔ táa oo gulezĩno musu.

35 È zìkana dadame,  
ai ma gǎsǎ é fǐ à mǒgotě sá gá.

36 Nèè n zìblesengbango kpáma,  
nèè nae ñ ma tó bǒ.

37 Nèè ma zé yàasa kǔme,  
le ma gbá tón sataro.

38 Ma pεε ma ibεεnozi ma n dúgu zǐ,  
mée εara mà suro, sé kè ma gaa ma n dεdε.

39 Ma n wiwi dúgudugu, aǒe fǐ wà fεε dǒro,  
aǒ lèe wà gǔ kaena ma gbá gǐzǐ.

40 N ma gba gbãaa ma zǐ kào,  
n tǒ ma ibεεno mì nàεme.

41 N tǒ ma zangurinǒ kpεε lì,  
ben ma a ibεε pìnǒ kàate.

42 Aǒ wii lè, gběkee e n mì síro,  
aǒ lé zù Diizi, èe weńlaro.

43 Ma n ké tíketike lán búsutiti bà,  
ma táa òmma lán zé guu bǒtǒnga bà.

44 N ma bǒ ma gbě kè aǒ fεεmaziinǒ ǒzǐ,  
n ma ke boriinǒ mǐdee ũ.

Borii kè má n dǒroonǒ è zǒ blemε,

45 bori zǐtǒnǒ è na n sàsaa ma aε.

Tó aǒ ma yǎ mà, aǒè mì siεme.

46 Aǒ kǎ è ga,

aǒè bǒ n zeki gbãaanǒn kǔn luganao.

47 Dii kuu! Aubarikadeen ma gběsi ũ!

Wà Luda ma gbèsi ma mìsiri tó bọ!

<sup>48</sup> Luda bé è g̃εε bomε,

è tó boriinɔ̀ mì siεε,

<sup>49</sup> è tó mà piti ma ibεεnɔ̀n.

N ma gba gbāaa δε ma zangurinola,

n ma bọ gbē pāsīnɔ̀ ɔ̀zĩ.

<sup>50</sup> Beee yānzi mé n sáabu kpá boriinɔ̀ té,

mé n tó kpá, Dii.

<sup>51</sup> Dii è zĩ bíta ble kína kè à à sènε,

è gbēkεε kε kína kè à à kànε,

mamɔ̀ma Dauda kōn ma boriinɔ̀

ai gurɔ̀ píngi.

## 23

### *Yā zāa kè Dauda ò*

<sup>1</sup> Yā zāa kè Dauda òn yè.

Yεεε né Dauda yān yè,

gbē kè Luda à gbà gbāaa yā'oname.

Yakubu Luda à kà kí ũ,

àmbe Isarailinɔ̀ lèdari maaa ũ.

<sup>2</sup> Dii Nini yā dàme,

à yā da ma lén.

<sup>3</sup> Isarailinɔ̀ Luda yā ò,

Isarailinɔ̀ Gbèsi bème:

Tó gbē kí blè gbēnɔ̀ne a zéa,

tó à kí blè vīakεna Ludanε guu,

<sup>4</sup> èg̃ɔ̀ δε lán ɔ̀fāntē bɔ̀ena gupuraa bàme,

lán gudɔ̀na gukēkōana bà,

lán lou kè è tó sè bɔ̀ε bà.

<sup>5</sup> Ma bèdeenɔ̀ nna kōn Ludaoroo?

À bà èg̃ɔ̀ kúmao ai gurɔ̀ píngi.

À à yā g̃ɔ̀g̃ɔ̀ píngi, à seka vīro.

Eé ma mìsina yā kεkε à pàparoo?

Eé pọ kẹ má à nii vī kpáma pínɡiroo?

<sup>6</sup> Gbē pāanᵋ de lán lè bàme,  
wè zᵋ wà zīnname, è sí kū kyáuro.

<sup>7</sup> Gbē kẹ yezi à ᵋ páa,  
séto àgᵋ gᵋkeᵋ ke gò kūna,  
è té sᵋa guu kẹ à kún.

### *Dauda gᵋsagbāaanᵋ*

<sup>8</sup> Dauda gᵋsagbāaanᵋ tón yè. Takemᵋ gbē Yasᵋbeamun zīkari tᵋde gᵋᵋn aagᵋᵋnᵋ gbēnsi ũ. Àmbe à sári sè gᵋᵋn wàa siigᵋᵋnᵋzi à n zᵋzᵋo n pínɡi gurᵋ dᵋnkᵋ zī. <sup>9</sup> Gbē beee gbᵋra Dodai né Eᵋeaza, Ahoa gbē kú zīkari gᵋᵋn aagᵋᵋ pìnᵋ té dᵋ. À kú kᵋn Daudao gurᵋᵋ kẹ Isarailinᵋ kàkᵋa aᵋ zī kà kᵋn Filisitininᵋ zaa Pasadamimu. Isarailinᵋ bᵋru kpᵋᵋ, <sup>10</sup> àmbe à fᵋᵋ à Filisitininᵋ dèdᵋ ai à ᵋ yāa à gbāgbā à gᵋ fᵋᵋda pá kūna. Dii tò à zī blè maamaa zī beeea. Zīkari kpaaanᵋ èara wà sù aᵋ à lè, mᵋde pónᵋ pitina gènᵋa yānzime. <sup>11</sup> Gbē beee gbᵋra Age né Sama gusīside gbē. Kẹ Filisitininᵋ gāli kàkᵋa guu kẹ blá bú kún, Isarailinᵋ bàa lèné, <sup>12</sup> àmbe à zè à gì bú pì dagura. À bú pì sīmma à Filisitininᵋ dèdᵋ. Dii tò à zī blè maamaa.

<sup>13</sup> Pókᵋgurᵋ wᵋrᵋngᵋde gᵋᵋn baaakurinᵋ té, gᵋᵋn aagᵋᵋnᵋ bᵋ wà gāa Dauda kiia zaa Adulamu gbᵋwᵋen. Filisitininᵋ gāli bura kaena Refaimu guzuren. <sup>14</sup> Gurᵋ beeea Dauda kú sᵋᵋe pᵋrᵋtu, Filisitini gudākparinᵋ sᵋᵋ kú Betᵋlemu. <sup>15</sup> Dauda e a be í ni dᵋᵋ à bè: Dé bé eé gá à Betᵋlemu bīile lᵋgᵋ'i tᵋmᵋᵋ? <sup>16</sup> Wᵋrᵋngᵋde gᵋᵋn aagᵋᵋᵋ pìnᵋ bé wà gāa wà gᵋ Filisitininᵋ bᵋran, aᵋ Betᵋlemu bīile lᵋgᵋ'i tò wà sùo Daudanᵋ. Ben èe we à mīro, à kwᵋᵋ Dii aᵋ sa'o'i

ũ. <sup>17</sup> À bè: O'o Dii, mé f̄s mà í kè miro. Gbē kè ās ḡi n̄ w̄èndizin̄ arum̄e. Èe we à m̄iro. W̄ór̄onḡode ḡõn aaḡõ p̄in̄o yākenan̄ gwe.

<sup>18</sup> Zeruya né Abisai, Yoabu dāaro bé w̄ór̄onḡode ḡõn baaakurin̄o gbēnsi ũ. Àmbe à s̄ári s̄è ḡõn w̄àa do kp̄é bas̄õroon̄zi à n̄ dede, ben à t̄ó b̄ò ḡõn baaakuri p̄in̄o t̄é. <sup>19</sup> À t̄ó b̄ò de w̄ór̄onḡode ḡõn aaḡõ p̄in̄ola, ben à ḡõ n̄ gbēnsi ũ, m̄ode à kú w̄ór̄onḡode t̄óde ḡõn aaḡõ p̄in̄o t̄éro. <sup>20</sup> Yoyada né Benaya, Kabazeli gbēn z̄ikari w̄ór̄onḡodee ũ. À yākenan̄o pari. À M̄õabu z̄ikari t̄ódeen̄o d̄ede ḡõn plaa. À ḡè w̄èe guu gur̄õ kè lough̄e kw̄èe, à m̄usu d̄è. <sup>21</sup> À Igipiti ḡõsagbāaa kè s̄ári k̄ūna d̄è. À s̄õzi k̄õn ḡòo à à s̄ári s̄ia à à d̄èo. <sup>22</sup> Yoyada né Benaya bé à yā p̄in̄o kè, ben à t̄ó b̄ò w̄ór̄onḡode ḡõn baaakuri p̄in̄o t̄é. <sup>23</sup> À t̄ó b̄ò de w̄ór̄onḡode ḡõn baaakuri p̄in̄ola, m̄ode à kú w̄ór̄onḡo t̄óde ḡõn aaḡõ p̄in̄o t̄éro. Ben Dauda à d̄iè a dākparin̄o gbēnsi ũ.

<sup>24</sup> Ḡõn baaakuri p̄in̄o t̄ón yè:  
 Yoabu dāaro Asaheli,  
 doodo né Elana Betelemu gbē,  
<sup>25</sup> Arodi gbēn̄o Sama k̄õn Elikao,  
<sup>26</sup> Paliti gbē Elezi,  
 Tekoa gbē Ik̄esi né Ira,  
<sup>27</sup> Anato gbē Abieza,  
 Usa gbē M̄ebunai,  
<sup>28</sup> Ahoa gbē Salam̄o,  
 Netofa gbē Marai,  
<sup>29</sup> Netofa gbē Baana né Elebu,  
 Gibea kè kú Beyāmi b̄usun gbē Ribai né Itai,  
<sup>30</sup> Pirat̄õ gbē Benaya,

Gaasi guzure gbẽ Idai,  
<sup>31</sup> Araba gbẽ Abialabõ,  
 Bahurimu gbẽ Azamave,  
<sup>32</sup> Salaboni gbẽ Eliabu,  
 Yasẽ néń,   
<sup>33</sup> gusĩsĩde gbẽ Sama né Yonatã,  
 gusĩsĩde gbẽ Saraa né Ahiamu,  
<sup>34</sup> Maaka gbẽ Asabai né Elifeleti,  
 Gilo gbẽ Aitofeli né Eliamu,  
<sup>35</sup> Kameli gbẽ Ezero,  
 Larubu bori Parai,  
<sup>36</sup> Zoba gbẽ Natã né Igali,  
 Gada bori Bani,  
<sup>37</sup> Amõni bori Zeleki,  
 Bero gbẽ Narai, Zeruya né Yoabu zìkapõnõseri,  
<sup>38</sup> Yeta gbẽń Ira kõn Garebuo  
<sup>39</sup> kõn Iti bori Uriao.  
 Aõ píngi aõ gõn baaakuri awεεswεεplaame.

## 24

### *Dauda zìkpεεń narona*

<sup>1</sup> Dii èara à pò fẽ Isarailinõzi, ben à Dauda dà à ń kà yázi à bè: Ñ gá ñ Isarailinõ kõn Yudanõ naro.  
<sup>2</sup> Ben kí bè Yoabunε kõn zìkpε gbẽnsi kè aõ kúonõ à bè: À Isaraili boriinõ bùsu para sɛna zaa Dani ai à gá pé Besebaa, à zìkarinõ naro lε mà e mà rí pari lé dõ. <sup>3</sup> Ben Yoabu bè kíne: Ma dii kí, Dii n Luda n gbẽń kõnne leo basõro ñ wéε siàε, mɔde ma dii kí, à kè dia n yezi ñ ke lεε? <sup>4</sup> Baa kõn beeeo kí yã Yoabu kõn zìkpε gbẽnsinõ blè, ben aõ b̀εe kí kiia aõ g̀aa Isarailinõ naro. <sup>5</sup> Kè aõ bikù Yodaa, ben aõ bùra k̀aε Aroa saε. Wéte pí kú guzuremmε. Ben aõ lili ò Gada

bùsun ai Yaza. <sup>6</sup> Aã lili ò Giliada bùsun aã gàa Kadesi, Itinò bùsun ai Daniyani, ben aã gàa Sidò kpa. <sup>7</sup> Aã gàa Taya wéte bīideen kōn Ivi wétenò kōn Kanaa wétenò píngi, ben aã gàa Yudanò bùsu sòomete kpa ai Beseba. <sup>8</sup> Aã lili ò bùsu pìn píngi. Mò kēndo kōn gurò barooò gbera aã èara wà sù Yerusalemu. <sup>9</sup> Ben Yoabu gbē kè à n naronò lé ò kine. Isaraili gōgbē kè aò fēdaa dōonò gōon bōrò wàa siigò. Yudanò sò gōon bōrò wàa plaa kpé basòoro.

<sup>10</sup> Gbē pìnò narona gbera Dauda kú tóadōyāa guu, ben à bè Diine: Ma durun kè yā pì kena guu maa-maa. Dii, mamòma n zòbleri, n ma taari kēme sa, zaake ma yōnkoyā kè. <sup>11</sup> Ai Dauda gō gá fēe kōngò, Dii yā dīdī annabi Gada, Dauda wéegupu'eria à bè: <sup>12</sup> N gá n o Daudane kè ma bè, mé yā mèn aagò kpáe à aezī. À yā pìnò doke gwa à sé, mé kene. <sup>13</sup> Ben Gada gàa à Dauda lè à bène: Dekaa kana n bùsun wè swēplaaa ke n ibeenò pēenanzi n bàa lénne mò aagò ke gagyāa gēna n bùsun gurò aagò, à kpareen n sè? N laasuu léa n gwa, mé gá mà o Luda kè ma zīine. <sup>14</sup> Ben Dauda bè Gadane: Má kú nawēa bíta guu. Má sì wà léé wà da Dii zī, zaake à wēnda vī maamaa. Àton tó mà léé mà da gbēntee zīro. <sup>15</sup> Ben Dii tò gagyāa gè Isarailinò zaa kōngò beea ai gurò kè à zèo. Sena zaa Dani ai à gàa pé Besebaa Isarailinò gàga gōon bōrò baaagò akuri. <sup>16</sup> Kè malaika ò bò à Yerusalemudeenò kaate, Dii a nòse liè yā pì musu, ben à bè malaika kè èe n kaate pìne: N ze le! N n ò sòkpa sa. Yebusi bori Arauna blēwēgbēkiin Dii malaika pì kún. <sup>17</sup> Gurò kè Dauda malaika pì è èe n dedee, à bè Diine: Mámbe ma durun kè ma taari kè. Gbē pìnò né ma

kpàsa sãanɔmɛ, aɔɔe yãke kero. Ñ tó n pɔfɛ pita mapi kɔn ma de bedeenɔa.

<sup>18</sup> Zĩ beeea Gada gaa à Dauda lè à bène: Ñ gá Dii gbãgbãkii bo Yebusi bori Arauna pówɛɛgbẽkiia. <sup>19</sup> Ben Dauda gaa lán Dii à yã ò Gadane nà. <sup>20</sup> Kè Arauna wée zù, à è kí kɔn a gbẽnɔɔ e mɔɔ a kiia, ben à gaa à kùene à dàe a puua <sup>21</sup> à bè: Ma dii kí, à kè dia née mɔɔ mamɔma n zòbleri kiia leɛ? Dauda wèala à bè: Ma mɔ mà n pówɛɛgbẽki lúmma mà Dii gbãgbãkii bomme, le gagyãa pì e à go gbẽnɔa yãzi. <sup>22</sup> Ben Arauna bè Daudane: Ma dii kí, ñ pó kè kènne maaa sé ñ saa oo. Ñ zùnɔ gwa sa'opɔ ũ. Ñ pówɛɛgbẽgonɔ kɔn gbóngonɔ sée yàka ũ. <sup>23</sup> Kí, ma n gbaa píngi. Arauna èara à bène dɔ: Dii n Luda sínne. <sup>24</sup> Ben kí bène: Auo! Mé lúmmame, mé à fīa bonne. Mé saa o Dii ma Ludaa pã fīabosairo. Ben à pówɛɛgbẽkii pì kɔn zùnɔ lùà kondogi baplaa akuri. <sup>25</sup> Ben à Dii gbãgbãkii bò gwe à sa'opɔ kè wè ká tén à té kũ òa kɔn kennakɔo sa'opɔnɔ. Dii sìnɛ à bùsu yã musu, ben gagyãa pì zè.



**Luda yá takada kǝn Bokobaru yǎo**  
**The New Testament and portions of the Old Testament**  
**in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

---

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5